

光緒江西通志

江西通志卷九十七

前事略一

武功三

國朝

順治二年乙酉夏四月英王追闖賊至九江甯南侯左良
玉子夢庚率所部三十六營來降王北旋後營總兵金
聲桓請於王願收江西自効許之乃命闖部降將王體
忠合營屯潯規進取六月聲桓先遣牌招撫巡撫曠昭
遁士民送款十九日聲桓入南昌南康九江不煩兵而
下舊撫標將白之裔鄧武泰駐袁吉以兵扼峽江湖東
分巡道王養正與布政夏萬亨建昌知府王域推官劉
允浩南昌推官史夏隆等輔益藩由本起兵建昌聲桓令

前營劉一鵬禦峽江屬體忠備撫建七月體忠率兵下撫州趨建昌時有保甯王者自河南來好談兵益藩倚信之通於體忠及戰保甯從陣後以火箭傷象兵遂敗象兵從雲南至騎象熟袖槍三日城破益藩被執王養正等五人械至南昌殺之屬縣皆降新昌知縣李翔與監軍張家玉邑紳徐伯昌共城守家玉戰敗入閩城破翔與伯昌死之一鵬亦破峽江兵武泰死之攻袁州守將胡纓兵潰署府事同知李時興自縊於萍鄉官舍遂收吉安長驅至萬安知縣梁於浹死之巡撫曠昭被執八月二十五日聲桓矯殺體忠以體忠部將王得仁代是時永甯王慈炎一作由德復舉兵克撫建屯兵進賢糧不繼退守撫州聲桓令得仁率兵攻城吏部文選司曾亨應家臨汝捐

質聚眾歸永甯得仁夜率百騎潛至臨汝圍其宅執亨

應殺之永甯退保建昌得仁追獲焉楊陸榮三藩紀事

王傳云監軍御史黃澍挾良王勢面觸馬阮既返遣緹騎逮澍良王留不遣澍與諸將口以清君側為請亡何

有北來太子事澍借此激眾以報已怨召三十六營大將與之盟良王乃傳檄討馬士英自漢口達蘄州列舟

二百里辭拒之部將郝效忠陰入城縱火殘其城而去繼成望城中火光日將負哀公嘔血數升是夜子夢

良王為留後借黃澍以眾降於九江楊廷麟傳云二年南都被江西諸郡惟贛州存九月大兵屯泰和副將

徐必達戰敗廷麟與劉同升乘虛復吉安臨江十月大兵退屯峽江已而萬元吉至贛死會廣東援兵至秋大兵

王師下江右郡人以城歸附故淮世子朱由桂焚宮殿遁入閩莫知所終楊陸榮雜亂紀云乙酉六月金聲

桓入南昌南九款附德化李合初傾家起兵守潯將余德安瑞昌未幾合初所部王拐子私款於我守潯將余

世忠因襲狼山含初死之七月德安郭賢操聚眾陷德安遂破建昌所部高長子款於我執賢操以獻時方議

撫釋勿殺轍齟齬南昌舉人胡海川兵絕我糧道復攻氏謀起兵十月大兵取婺源海川兵絕我糧道復攻

婺源殺我所置官吏大兵破海川諸營海定被執及
董正經俱殺之新昌副都陳泰來遣所部李淩虹提兵
入萬載殺我所置令杜章卿連破新昌十二月遣子正
議正嚴往他省自率師東下聲桓使署驛傳道戴國士
招泰來而以大軍隨其後泰來出見國士不及設備兵
敗死黃氏祠中其骨燼焉易學實贛州乙丙紀略云
六月廣寇閭羅總自寒信峽渡水營
車頭守將林宗往撫之為賊所殺

三年

丙戌

春三月我兵破甯州監軍許文龍死之初聲桓

遣人招文龍不從率民逐我所置官吏屯兵奉鄉聲桓

乘閒破甯州遂攻奉鄉圍守三月文龍糧絕乃走保界

首砦食盡被擒是月吉安守將胡長蔭為我將柯永盛

所敗元吉失吉安退保贛州夏四月破廣信先是黃道

周督兵出江西

道周於乙酉十二月至婺源為我師所擒

詹兆恆以兵侍協

守廣信御史周定仍以右僉都巡撫其地得仁破安仁

貴溪定仍督副總姜天衢戰連湖我兵小卻已戰小笪

渡及河口遂大捷城破定仍自縊死兆恆奔懷玉山復

糾眾攻衢之開化兵敗沒於陣五月江撫劉廣允督張

琮來援贛州戰於梅林而敗龍武新軍亦敗

即廷麟所招四營峒

寇也元吉謀練土著更番出戰我師移下沙秋七月各路

援兵至皆欲戰元吉欲俟水軍王其竄謂元吉曰水帥

羅明受海盜也桀驁難制且今水涸舟行爲難豈能如

約不聽八月大兵聞水師將至卽令軍士夜截諸江

焚巨舟八十明受遁於是諸營皆散去元吉弟六吉調

廣西狼兵八千至南安亦不戰而潰已聞唐藩死汀州

全城氣索冬十月天霧雨雪我師乘夜上城城破元吉

率士巷戰奪門出投貢江而死廷麟死於清水塘

三藩紀事

本末袁志云先是楚帥黃朝宣自燕子窩督兵數萬來攻袁於城西鳳皇山築土城開濠爲持久計進偏北

城是年正月金聲桓遣副將白之裔來援朝宣解圍去
五月鎮將郭天才拆民屋置堦城增修敵樓 顧志云
四營頭賊據信豐伯石保約長黃一爵率鄉兵擊之殺
渠魁文都冬十月賊復據新田平地山明年丁亥正月
一爵率鄉勇從石門運入搗其巢溪水皆赤 龍南紀
事云南埠菜之春招兵號南營奉調勦蘇溪叛人遂驕
悍不受節制因憤楊芳坊作鄉兵誤殺葉廣廷糾眾萬
餘報仇攻彈子寨脅和乃解後由南安至黃荆高樓遇
逃回大兵殲之其同族葉南芝亦糾眾數千至南安率隊
銓往甯都借兵於田海忠不應因集鄉勇破宜黃駐兵
樂安原任福甯知州揭重熙聞王師人闖提兵援福
州又聞唐王赴贛州信道趨贛爲我兵掩擊大潰收散
卒攻破撫州中軍洪深沒於陣兵士僅存千人退次王
洞

四年

丁亥

冬十一月徽寇吳惇信王紘嘉等哨聚樂平浮

梁婺源縣界婺寇吳良臣及程琦程陽等各聚眾至數

千人破城郭掠居民官軍討平之

饒州事考 浮梁志云順治四年十月土

賊破城知縣李秀龍遁往景德鎮副總湯執中復城後
撫兵搜剿東鄉土賊又自北路來破縣駐城三日焚燬

殆盡執中自東鄉撤兵回與賊遇於東路大橋頭斬首
千餘級龍南紀事云四年黃沙劉耀中反耀中本楊
細徠徒漏誅附閭寇仍聚密教徒眾列幟據寨二月知
縣呂應夏往撫不就調通縣鄉兵圍剿之耀中求救於
閩寇十二月閩寇數百突衝義勇營柵殺紳衿兵民百
數十人應夏僅以身免鬚撫劉武元總兵柯永盛遣兵
討平之又南埠葉南芝因滋陽王如攜一幼子流入南
埠南芝率眾以王禮事之留居梅子寨通廣寇馮高鳴
共相佐護其族葉政鳳詣縣告變賊誘殺之永盛調副
總孔國治等擒巢執王如母子及南芝解贛城正法
長甯志云粵寇謝志良糾黨數萬圍城月餘知縣錢奇
嗣率十營土兵乘賊持久氣怠出城擊破之餘知縣錢
云四年王得仁下令族瀟溪丁傳魏三姓樹顛繼繼
鄉勢賊一柱棄妻子走閩葉破將樂聯結永西德化
與安諸藩攻克建甯王師圍之五閱月
始破一柱與諸藩俱死惟興安先出得免

五年戊子春正月金聲桓王得仁據南昌反饒州守將潘

永禧以城應之饒州事考袁志云金聲桓叛遣鎮將

城互相吞并五月執中蓋遇時及自號義旗者分踞郡

十一月三關棚賊率眾據城明年正月城復袁志云
先是萬元吉未敗時嘗以書招聲桓聲桓頗心動陽繫
致書者於獄夜半釋縛勞問元吉起居而遣之及王

師破贛元吉死聲桓內不自安會信豐諸生曹允光從
閩來妄言唐藩在平遠之五子若聲桓狐疑得仁以勢
迫之遂以戊子正月反二月得仁陷九江聲桓召還與
識所向得仁欲趨金陵聲桓客黃人龍曰贛居上游文
武督鎮在焉此腹心患也宸濠之事可鑒矣聲桓然之
決計南攻贛州都督高進庫等與戰不利堅守以挫其
鋒聲桓乃檄得仁悉力攻贛自引軍踰嶺陷南雄韶州
邀粵將李成棟同叛成棟從之時明桂王由榔假號廣
西而江廣合從殘燼幾於復熾賴贛以孤城互其中
王師得再克捷四月固山譚泰自饒州統兵攻南昌九
江偏師亦來會聲桓得仁先後引退贛兵追擊之得仁
大敗九月成棟將兵救聲桓自南雄出官兵敗其前鋒
成棟陷信豐盤桓不敢進又云興國煙兵蕭國忠姚章
甫糾眾倡亂繼起者為劉霖袁及王大勇宋朝宗等我
兵前至興國誅姚章甫以柴震龍知縣事戊子聲桓反
南昌大勇朝宗乘機率眾殺震龍及典史武尚仁焚劫
官民署舍贛營將號李捍刀者領軍來討大勇等戰敗
官軍圍於梅窖國忠死眾推霖寔為主賊禍大勇朝
宗分屯諸砦聲桓得仁提重兵寇贛相持四月官軍還
自救不能討定聲桓遣田廣業知石城逐知縣劉世禎
廣賊黃昌復駐石城黃徽印據通天寨久之乃去又土
賊曾斌羅聚奎等烏台亡命窺雩都至南岸將渡江會
官兵駐雩都外舉礮斃賊旗手賊氣奪回保和豐時有
蜚語誣城中與賊通者推官蘇敷大適從甯都過雩廉

得情實白諸巡撫因遣飛騎止鎮將勿妄誅良民後曾
斌等爲土人漸次捕殺又聞寇圍龍南城自六月至九
月城破殺知縣呂應夏食盡乃拔營去九江志云王
得仁攻九江總兵冷允登知府吳士奇知縣劉敬修皆
降遂以僞將吳高鎮之四月大將軍來討高逃去廣
信志云五年春省叛餘黨王紹忠陷鉅山踞城至八月
趙洪恢復三藩紀事云聲桓以南昌叛首迎揭重熙
傅鼎銓而兩人不欲駐省請任闕事我譚固山固南昌
重熙赴粵求援鼎銓兼督兩軍與張自盛合營戰敗於
三江口龍泉進士劉士楨令子肇校募兵從劉一鵬圍
贛州令季子辟升後戰死南雉金王敗歸匿龍泉郡守索之
急絕粒死辟升後戰死南雉金王敗歸匿龍泉郡守索之
聲桓戎師再平江州歸南康爲拒湖計結壘開先寺敗
走都昌與舊鎮張士彥標將黃才兵合後黃才款於我
執江來獻論死

六年

己丑

春正月南昌破金聲桓王得仁伏誅三月固山

譚泰及撫標中軍楊遇明兵臨信豐李成棟縱兵焚掠
出城渡河溺死官軍屠信豐八月贛撫劉武元以守備
李若垠署興國縣事與副將鮑虎提兵至擊宋朝宗於

瀧下縛而沈諸水王大勇謀襲城若垠知之伏兵於鳳

凰莊之松林大勇遇伏戰敗走匿贛撫招之出降爲其

戚孫可貴所殺部曲復殺可貴餘孽悉平

贛州兵寇志徐世溥江

發紀略云戊子正月巡撫章于天率內丁數十騎如瑞

州王得仁督金聲桓反七門不敢絞殺巡按董成學湖

西寺道成大棠遣人邀擒章于天安民稱隆武四年聲桓稱

姜曰廣於希湖里第出示安民稱隆武四年聲桓稱

國公得仁稱建武侯以宋奎光爲左軍都督府都督僉

事黃人龍爲總督五省兵部侍郎錦衣衛同知金幕書記吳

仁婦弟黃天雷爲兵部侍郎王幕書記陳芳爲巡撫江

尊周爲巡按江西監察御史王幕書記陳芳爲巡撫江

西僉都御史司道府縣各屬堂佐皆其客也倉卒求冠

帶不得盡取之優伶箱中兩人微聞唐王已死諸臣擁

立桂藩於廣東即詐爲隆武禪詔進諸秩有差告示文

移更署永歷二年然聲桓意終疑又謀求益藩子立爲

世子以監國其舉動如此聲桓聽人龍議欲先取贛又

忌王氏專制會城脅與俱往三月丙辰乃出師都督高

進庫城守相持七十餘日四月二十八日九江破報至

會城內外皆走五月七日七百騎至石頭傳爲鮑瑞玉

兵又曰九江裨將吳高敗兵明日兩岸哭聲鐵騎滿西

山矣聲桓兄金成功約降奎光聞而殺之王營裨將貢

鼃以其軍降斬關竟出黃天雷未之知也報至嶺州聲
恒大恐撤兵還十五日日前隊至生米十九日金王大隊
至接戰獲大礮三聲恒有驕色遂勒兵入城六月三日
得仁悉其精兵攻壘大敗於七里街後竟城守莫敢出
大將軍固山額真譚泰乃行營掘濠溝東自王家渡橋
灌城西自雞籠山及生米盡驅所擄丁壯老弱踞濠負
土卒深二丈餘廣如之又役俘擄為浮橋章江自東及
西廣袤七里上起文家坊下至楊子洲凡為橋三固山
額真營蒲子塘離永和門六七里於門東二里築臺高
丈餘登望城中獨留惠民門濠側數十丈不圍藉以俘
獲并廉城中情狀吳尊周託請廣兵而去所遺驍米運
硝黃芻油先後數百艘皆為官兵橫江火擊水遮陸截
無一人還報者而得仁方娶武都司女為繼室酒荒日
甚聲桓面色如土嗟恨而已城中斗米至一金宋奎光
憂之勸背城一戰金王終不從有狂僧曰摩訶般若聲
桓拜為國師後覺其詐磔之時指軍城中米至六百金
更以文武兵餉事聽全賜路絕因得以從容西南還張
石人相食諸臣且知刺而殺五于歲羈北勒余應桂吳江
敢詐西北降鄧雲龍而殺五于歲羈北勒余應桂吳江
於都昌東收湖盜徐麟三西破丁家塘土砦餘什伯為
聚水成者林亮設國楨華次第擒殺胡濟病隘啞死其
二子亦擒斬然王氏火器精悍且多全鳴時亦能軍善
守故前後相持至八月十九日盡力攻城聲聞百餘里山
衣大礮至己丑正月十九日盡力攻城聲聞百餘里山

谷皆震亭午城始破聲桓衣其銀甲寶鉞赴帥府荷池
 死得仁突圍至德勝門兵塞不能前三出三入擊殺數
 百人破執支解奎光城破後二日得於城西空舍擒見
 固山論之降不食乃殺之陳芳黃人龍皆死亂兵中姜
 舊輔儒冠死於僕家池餘兵以次降走矣三藩紀事
 云揭重熙至肇慶永明令總督江西兵未及歸而南昌
 破治途召募遇我兵大敗於程鄉監軍桂泓陣沒重熙
 身中三矢僅免金王故將張自盛洪國玉等聞重熙出
 湖東爭來歸兵太集駐甯都石城開傅鼎銓被召不願
 往請再舉終江事饒州事考云六年二月副將穆生
 輝復饒州定南紀事云正月廣賊陳鳳廖九發張赤
 鬚楊大總等攻圍定南縣城以謝下清為內應城陷知
 縣曹邦偉死之其子亦為賊殺明年
 國復犯縣署縣王廷彥率鄉勇退之

七年 庚寅 劉京蓋遇時魏林鳳等 餘黨潛掠永甯泰和永

新諸縣參將任仲良羅映垵勦之 古安郡紀 續志云

慶順降驍騎 崇為亂兵所殺時瑞全刺盜釋起忠據
 銅鉢山陳其綸據大柏地勢若輔車知縣錢江計誘起

忠縛之以忱其綸其綸陽聽命橫行如故復有粵寇
 許勝可合閩寇劉芳羅承俊等據羅漢嚴其勢張甚

八年 辛卯 秋八月傳鼎銓至廣信張邨為我守將所執江

撫夏一謬論降不應殺之張自盛踞大覺嚴掠邵武戰

敗被執揭重熙率數十人赴曹大鎬於百丈礮時大鎬還軍鎬

山我兵圍之射重熙中項執至建甯十一月三日戮於

南街市口未幾大鎬亦敗都昌督師余應桂爲我潯帥

楊捷所執其子顯臨俱死三藩紀事 邨寇郭達伯勇銳善戰孔國

治鮑虎皆爲所敗既就撫至是復叛官軍不能克其冬

達伯與部下十七人逐官軍於大瀟塘被圍數十重矢

中其要害僞死官軍取其首歸

起殺數十人如是者三乃自刎

九年壬辰春正月劇盜何子才焚掠餘干西南鄙殺留本

塘艾姓一族殆盡各鄉聯集都綱自爲戰守至次年盜

始息饒州事考 廣信兵變志云九年閩賊熊應池踞桐木源爲亂後三省會剿始降之

十年癸巳番天營賊流劫安遠境長沙營孔田各寨擄掠

男婦千餘副將賈熊平之廣東六坊賊李時戴等襲劫

定南署典史蔡國相力戰被殺贛州兵寇志

十一年甲午秋瑞金知縣錢江請於贛撫宜永貴發兵圍

許可勝擊擒之并誅閩寇明年進兵攻陳其綸敗而逸

鄉勇斬其首以獻瑞賊悉平贛州兵寇志

十三年丙申春二月興國縣梅窖峒賊曾拱辰曾象吾曾

玉華劉元谷等劫掠永豐萬安泰和雩都諸縣又與青

塘賊何輝明歆血爲約梅窖峒周圍高山巖穴相連諸

賊分踞峒口築土牆起瓦樓開礮眼圍外深坑洿池環

繞官兵無可站腳遊擊洪起元左雲龍攻之不能破因

發大礮四位多造竹籬盛土并運大石填平施放大礮

燒燬角樓賊始敗退拒峒口起元雲龍偵知賊峒深險

曲折容四五千入峒內活水長流積穀甚多用長圍逼

賊出入門路嚴巡邏以防奔突困守數月乃就斃器樵國

十六年已亥秋七月樂平盜首王觀祖哨聚四百餘人入

城殺典史沈大林守將張文惠追觀祖至接竹渡生擒

之餘黨皆戮饒州事考 贛志云是歲八月平雲都劇

虎山小莊等處肆行劫掠贛撫劉武元發兵勦捕王廷

率眾降既而復叛贛撫佟國器遣兵進勦王廷據龍溪

山官兵攻圍數月未能克賊復劫等之水頭崇賢安平

長樂佛婆安仁青塘坎田八里新撫蘇宏祖進討降其

驍賊張甯等數十人王廷勢促逃匿明年春獲之九山

田舍梟首軍門賊眾平靖安雜志云已亥三月盧洪

十倡亂華坊坪其黨千餘行劫邨市知縣培尙參將張

允重領兵進勦渠魁就戮九月周家埠潛良四聚眾攻

掠縣城殺傷典史時傑守將李得功適因霜降操兵尋

即勦獲浮梁志云八月土匪破城尋復之副總孔某

提兵勦撫九月北鄉

陳九思率眾投誠

十八年辛丑夏五月建昌知府高天爵勦殺滴水砦賊首

蕭來儀孫齊王等又破羊石砦生擒幸連升蕭來信番天王等

三十九名六月班師奏凱何三省平砦紀

康熙八年己酉廷議安插閩漳投誠海寇遣海澄公標下

都督總兵許貞屯田於贛縣蔡璋屯田於興國縣潞水志林

九年庚戌春二月獲巨盜王跳鬼先是己亥年浮梁盜程

光等就撫尋以他事下獄八月聞海警越獄出光死跳

鬼遂為渠魁行劫徽池一帶兩江總督麻勒吉遣舊帥

邱越統兵剿捕跳鬼匿婺源深山鄉勇搜獲之其黨悉

平浮梁志異

十一年壬子流賊周海元聚眾作亂散布偽劄由廣東平

遠流入長甯安遠境內旋偪會昌羊角水會兵進剿逃

於武平盤龍隘擒斬之贛州兵志

十三年甲寅春三月耿逆告警廣信城守副將柯昇於四

月二十四日挾標下兵目反奪城出由永豐至二渡關

駐扎五月昇遣偽將分路圍城知府高夢說同知侯七

乘突圍奔省府屬七邑俱為賊踞廣信兵變志饒州

將程鳳反先是萬年失守詭言闖寇即日臨城是月十

五夜鳳部兵十九人露刃劫鳳以叛比明城外寂無

應者遂棄城遁把總陳虎馳往浮梁勒守備王憲從逆

即座間縛知縣王臨元奪印劫庫臨元自縊時七月二

十二日也程鳳逃至浮北麻邱密招集積盜勢漸張九

月閩賊及信賊數萬屯景德鎮掠物一空十一月王憲

遁走他盜殺之於婺源界偽總兵朱啟運駐紮景德鎮

率領諸賊是月將軍額楚等總兵滿漢官兵自徽州擊敗

偽羅都督殺數萬人轉鬪而前克樂平城賊眾聞之遁

去遂復饒州賊黨朱統錫逃據餘干索餉散割村落為

墟後於廣信山中就擒伏誅撫州兵氛志云逆藩耿

精忠踞閩叛遣偽將易明攻撫州城守游擊楊玉泰守

備王士質從逆七月城陷土賊乘間盤踞各邑金谿知

縣白琬如迎降崇仁知縣郭陳潛棄逃宜黃署縣事縣丞

劉揚俊脅從樂安知縣郭肇基遇害東鄉知縣汪士奇

臨川知縣邱泰隨知府王永茂請兵南昌九月定南將

軍希爾根平寇將軍哈爾哈齊參贊舒恕統禁旅分路
勦撫城池先後恢復又臨川志云聞寇楊進等內潰逃
奔建昌府城賊用礮十月楊進復統眾突至千金陂我
兵迎擊進軍善用火箭鋒甚銳因身披重鎧轉戰不利
墮水死賊眾奔潰南康紀事云參將柯昇程鳳相繼
叛隨有朱統錫李標等爲寇八月破都昌據之遂窺南
康知府倫品卓以城守無備請兵會城十月十三日賊
乘虛陷南康上自吳鎮碯溪下至青山舟楫蔽湖焚劫
連晝夜十九傍晚將軍尼雅翰從楚進廣兵過圓通總
督董衛國密咨移師撲剿星子檄品卓赴軍前二十一
日三鼓奪隘口分兩翼直搗城下殺賊無算賊遂奔回
都昌時以都昌從賊者眾將屠之品卓力陳百姓俱係
迫脅單騎至縣撫安之是年冬甯武奉靖賊首劉往七
戴朝曉等突陷建昌蹂躪安義贛州兵寇志云是歲
海上遺孽鄭錦擁眾窺漳泉屯將多鄭氏舊部與之通
五月石昭於所屯處陳屋園先發張治朱明聖江背峒
者擁眾尤盛六月嶺遊擊吳某統兵剿昭朱明率眾助
戰興國典史錢志泗饋軍被殺兵隸盡殲屯將蔡璋誘
石昭誅之八月張治率江背峒數千人圍城城上發大
礮擊賊始退踞壩南會把總李邦祿從總鎮擊破大白
帝賊還獲賊旗數十十九日距興國城數里令兵皆持
白旗賊望之以爲援也邦祿出不意奮擊城中兵夾攻
賊大敗退據崖石鏗公鯉姿樟石等若黃捷先據寶石
砦又有乾田黃泥割牛銅羅及雩都之雲霄鶴鵠搖藍

等十三砦又云五月粵賊王九萬林青袍寇會昌湘鄉
攻破山寨及蕭帝嚴屠掠甚慘八月攻左右水孔中郝
羊角營守備杜應元把總馮古孝等領兵督各寨鄉勇
進剿戰敗十一月攻羊角堡十三日攻會昌知縣鄉勇
疑命率民登陴固守援剿撫白水堡純總鎮劉進寶遣游擊
李天柱周球等領兵援剿賊夜遁又甯都留竹千導耿
逆兵陷石城六月進攻甯都闕寇王甯二隊先至屯河
東坊營將劉體若與賊戰知縣宋必達使鄉勇佐之寇敗
郡將許盛周球自贛至圍始解又賊首吳十八等於五
月圍石城三日解去六月闕榴坑賊黃佛勾引汀州
賈賊偏城與吳十八合圍三日城陷句餘趨甯都會虔
鎮劉進寶遣游擊許盛率兵來援賊遁七月朔城中盡
逃因委贛府照磨李德明署縣事八月建甯賊甯早復
圍城旬有七日甯都中軍管天祥率兵來援賊棄城遁
殺掠營前等處流劫四邑廣人余武勳志云四月朔寇
猖獗六月總兵趙應奎遣守備陳素倫等進剿三關九
圖陣斬賊首朱益吾朱翰苑生擒賊首李念松李騰我
九月賊破萬載城餘黨分踞善和鄉荆橋等處十月應
奎親統兵會同副都統穆成格往荆橋剿撫偽總兵左
宗榜陣斬五百餘級恢復萬載縣擒賊首邱以祥偽知
縣童聖功十一月棚寇引偽總兵黃乃忠等由西邨偏
郡城官軍堵截敗之撤防萬游擊陳素綸撲剿餘賊斬
偽監軍道盧景岱賊將漆國勳擒偽守備李忠新昌

兵防志云十月柳寇朱永勝由萬載攻新昌城陷十一
月撫標右營游擊佟國棟恢復是月復陷萬安災變
志云闕廣流寓屯黨乘楚寇糾眾數萬陷城守備鄧雄
乞師贛撫城乃復黃贊殉戰紀事云甲寅五月耿逆
淖將越盤湖隘攻南豐城防守李永昌及其子名芳力
戰遇害賊軍夜驚率喊李總司來遂拔營回閩又督標
把總周焜剿賊於甯州老樹坑自辰至未血戰陣亡
卹軋周謹案饒州事考原稱額將軍係江甯將軍額楚
南康紀事原稱尼將軍統鎮南將軍尼雅翰宜春武動
志原稱穆都統係副都統穆成格今俱考定一例書名
至舒恕以侍郎參贊軍務而撫州兵氛志誤稱將軍亦
改正又同額楚平徽州者為副都統巴爾堪並非將軍
而饒州事考乃稱巴額二將軍明年同征江西者為前
鋒統領巴特瑪亦非將軍而事考又稱巴額二將軍皆
誤今改書將軍額楚等其後十四年舒恕亦授鎮南將
軍十六年改授安南將軍然不能於十三年九月先稱
將軍也希爾根原稱正黃旗將軍哈爾哈齊原稱饒黃
旗將軍從無此例今正其名曰定南將軍平寇將軍
十四年卯春三月將軍額楚等帥師征廣信留夸蘭大
駐防賊謀知兵少數道來寇前鋒賊遇夸蘭大遊兵數
十騎於城東五里方接戰適有數騎自十一里北原馳

下截出其後賊腹背受敵遂大奔追至磨刀石居民亦
奮白梃逐之入河溺死者無算生擒十餘人方會訊於
康王廟賊黨偽副將葉某等自他道薄靈芝門緣堞而
上參將趙登舉署道事同知范文英知府郭萬國俱遇
害署鄱陽縣事縣丞陸之蕃石門司巡檢陸鳳翥萬年
知縣王萬鑑亦死亂兵中五月將軍希爾根自省來援
賊棄城遁復饒州程鳳退歸德興後竟病死山中六月希爾根
征浮梁遇賊陳虎於界牌鋪斬殺甚眾宋啟運奔鉛山
明年七月病死東鄉陳虎約降至七月不出復率兵圍之虎走匿
深山九月僞將黃尚志復據餘干自稱知縣事饒州事考
志云乙卯三月崖石賊擁眾攻零都北門不克而退又掠大小禾溪及甯都之尖坑等處七月賊首黃斯勝等由和平寇定南知縣林堪率鄉勇禦之宜春志云三月朔賊焚擄油木棟一帶地方遣中軍游擊潘希聖進

勦斬偽千總支勝吾殺賊二千有餘四月進勦白水老巢殺賊千餘人新昌志云正月參贊桑過由上高恢復新昌仍以游擊佟國棟駐防六月圍棟奉調九月賊眾大至守備史得勝失守城陷十二月撫標中軍吳友名同游擊林科帥眾恢復謹案新昌志原稱桑將軍考當時征江西者桑過以護軍統領官參贊屢著戰功非將軍也此外亦無桑姓大員故改正書名

十五年

丙辰

春正月耿逆偽將軍郭忠孝自九龍山率賊

眾由永豐至廣信水南一杯亭將軍額楚等帥兵出禦

賊眾不敢渡河三月額楚等奉調回省知府高夢說隨

行七邑復爲賊踞八月康親王大兵由衢入閩十一月

浙督李之芳發官兵由玉山至廣信招撫各屬始復安

堵

本廣信兵變志

饒州事考云三月守備莊名亮夜

梁伏兵擒陳虎裂之以徇僞都尉白顯忠僞將軍徐黃

等知閩不可守擁眾出關至德興焚掠最慘十一月李

蘭大胡某鎮標中軍陳其善率浮梁營守備胡尊德從

黃土嶺直搗西水諸賊望風款降南康紀事云秋知

府倫品卓奉檄勦賊破峽坪入吳田賊敗走追二十里
至赤石港遂逃入靖安山中賊收餘黨埋伏大石坂復
大敗之活擒偽官二百餘員投誠偽兵千餘人賊計窮詭言
汝濟大小偽官二百餘員投誠偽兵千餘人賊計窮詭言
就撫盤踞江莊觀望十二月品卓率兵丁鄉勇往甘棠
合勦從迴城進東莊焚賊巢七座抵七里長坑自巳至
申慶戰賊潰敗陸崖死者數千破傷箭射殺死五百有
奇遂克江莊直抵福源龍安茭園等處餘賊遁回甯州
贛志云耿逆偽將軍劉應麟自汀州出陷瑞金會昌
贛鎮哲爾肯遣游擊許盛領兵鎮雲都城不敢偏四月
進取會昌偵知珠蘭涼蓬灘賊伏大礮欲斷我兵來路
盛於三更率勇健密趨賊營明晨水陸並進抵會昌西
岸爲營初十日雪都報急盛夜設虛營增竈分兵援雲
都遇賊峽口敗之至程口江復偵知虛營增竈分兵援雲
餘駐水頭老虎坑意在攻取雲都盛至雲令所部登舟
揚帆而下作爲贛州有急欲回策應者是夜潛師棄舟
分兵三路直搗賊營斬級千餘又斬偽副將張進等四
人賊潰散是歲滇逆將韓大任遣其黨邱興伯據萬安
之浪川洞與崖石相聲援勢益張賊黨邱興伯據萬安
遠境攻劫長河五保偽提督馬某自平遠出攻屠長甯
之城岡村偽總兵李善長王割耳環攻信豐擄掠甚慘
又僞總兵徐飛鉤等眾數萬攻陷定南復攻下歷司守備
盧日葵徐飛鉤等眾數萬攻陷定南復攻下歷司守備
夏期生統集營兵知縣林堪典史王總率鄉勇血戰斬

王龍光等數百殺賊乃遁南安事考云三月將軍舒
恕莽依圖等因粵藩從吳逆叛自粵回駐南安頓兵城
外堵塞梅關四月山寇余賢何興復自仁化樂昌擁眾
數萬由庾嶺刀背嶺分道而來偽總兵王劉耳攻破二
塘牛頭等寨滿漢官兵勢不支遂與知府張顯仁參將
宣成功奔駐南康居民四散兩城皆空賊帥分設官職
秋粵來偽總管將軍嚴自明及偽將郭義等率兵屯兩
城遂余賢何興所置官屬惟留攝縣韓佳縉在任是冬
自明等出兵南康縣之古鎮鋪與我兵屢戰不利奔回
府城屯扎萬年平亂始末云乙卯五月偽參將陳武
魁勾引賊黨趙和尚踞城遷捉民閒子女勒銀取贖官
軍至遁去復投入偽將軍朱統錮營遂自稱都督帶兵
數千駐蘇家橋恣行荼毒十五年三月武魁率黨復陷
城焚燬民居延及文廟後投誠邀赦至壬戌十月斃於
獄宜春志云二月遣千總馬光英把總丁魁等恢復
井鄉斬偽守備馬登雲李正良吳鍾等三月把總陳忠
等於長坑擒偽總兵揭玉卿及其弟文卿遣中軍游擊
李顯宗及防偽游擊陳素綸等會剿鐵山界巖前等處
擒偽千總曇雲追至沙溪湖塘城潭江殺賊千餘擒偽
守備孔貴餘賊逃往瀏陽醴陵四月棚賊復據萬載遣
都司趙應時守備楊朋實會同游擊李顯宗恢復萬載
守將關彪往茶邨一帶撲勦陣斬偽守備江文夾萬
安志云十五年楚寇陷吉郡復陷邑城營守鄧雄同副
將黃成章舟騎並進討平之敵水志林云順逆將韓

大任之據吉安也與國邨鄰抄劫無甯宇與國僑寓居人藍子明獨奮先禦賊以少擊眾輒勝於是白石窰石竹管峒風邊箬坑皆連結自保聚推子明為長昔擊賊於迴麓嶂其子死焉子明戰愈力賊乃退明年十月大任拔營走閩降

十六年

丁巳春三月饒鎮高登科恢復德興縣

饒州事考

云二月大軍抵省知府高夢說復任不踰時又有逆賊

江拐子蘇百文盤踞上饒南鄉錢邨日出剽掠贛志

云三月江賊圍攻石城署縣事李德明率民兵拒守殺

傷甚多賊宵遁南安事考云三月嚴自明通款於我

四月偽將軍郭義等皆遁自明出郊迎請舒莽二將軍

駐扎信宿五月統兵入粵由是四邑復甯宜春志云

正月總兵趙應奎統領游擊趙應時等馬步兵官兵由金

瑞進城守游擊關彪都司汪國樑等領馬步兵由白沙

桐木進又遣守備胡文良等領兵由上栗寺碧溪前進

訂期夾勦白水株樹潭老山坑聚錢坑鐵山界蜈蚣巢

藍家巢葛坑南巖紅沙等處直搗黃茅孫家暇老巢陣

斬偽游擊周良宇卜鳳奇偽都司張問達黃大用歐陽

勝楊吉勝等賊巢盡行焚燬賊首朱永盛曾加印等潰

逃諸將師由黃岡口達銅鼓營

直抵湖南平江界賊始蕩平

十七年

戊子

春三月提督趙賴移駐廣信與浙省兵會剿

玉山賊攻破老鼠洞八仙洞烏風洞渠魁何秉誠率眾

歸順議剿江機會賴調往攸縣賊復鳴張八月總督董

衛國親臨撲剿攻破錢邨封禁山賊巢勢窮乞降偵得

衛國有征楚信遂匿不出既旋師江機楊一豹熊文生

蘇百文張聞魁呂貴陳輝羅有喜李日昇等結寨聚糧

殺掠逾甚

廣信兵變志

饒州事考云十二月偽將陳

擊佟養正

率江浙兵會剿擒之

袁州棚寇始末云戊

午二月偽總兵朱永盛高玉澤曾加印偽副將范君佐

甘孚貞邱加職陳君啟等領偽兵萬餘人親詣株樹潭

投誠總督董衛國分散各標效用兵丁入伍食糧願歸

農者准

回籍

十八年

己未

提督許貞移鎮廣信調發官兵會同浙督標

兵進剿攻破八際等處賊巢斬馘不計其數

廣信兵變志續志

云十八年以尙之孝爲宣義將軍勦崖石時張治已死
治妻楊氏代領其眾有僞參軍黃煜者吉安人與國知
縣黃惟桂遣人以利害曉煜又單騎詣浪川洞招邱興
佑與佑楊氏俱至縣就撫惟煜朱明據險如故之孝兵駐
甯都六月抵崖石築長圍以困之贛總兵許盛知賊時
糧在乾田寨引兵屠之七月賊飢窘就撫亂乃平屯將
不從亂者惟洪徵一人全家死焉易學實平寇記云
宣義大將軍以十八年六月十八日辛巳師駐雩都
督李以江撫標兵至總兵許以南潯鎮兵至吉則萬安
龍泉永新贛則甯都瑞金會昌雩都興國之防兵義勇
先後雲集辛卯下令曰往者官兵進勦未至賊穴而營
久不見賊而還非師律也今出不意奪其阻薄其窟賊
可旦夕擒是夜師次長布壬辰駐虎坑癸巳直搗崖石
賊深溝重柵以抗我圍其東南西南三面而北絕其水道
用諜言焚其乾田寨積糧丙申攻南寨壬寅破其北寨
賊窘懼乞降不許癸卯賊魁自縛伏轅門是役也游擊
將軍張芳預帷幄新安鮑夔生實參軍事身當矢礮督
士卒先登者中軍都督胡順左右遊擊何奕賈重俊及
因壘就降執訊分別良民子女
還所親屬者贛軍司馬孫復也

十九年庚申夏五月逆賊江機楊一豹相繼投撫江西全

省餘寇盡除

甯江石教
甯疏略

嘉慶三年

戊午

七月己卯甯州教匪劉聯登宋懷樸魏文

琮倡亂焚劫陳坊賊猝發官軍未集知州劉光甫到官
與州同稽承恂州判楊兆鰭約紳民守城越二日辛巳
外委徐京邦引軍至民勇合之三戰皆捷斬劉聯登於
豬婆窩餘賊遁走徐軍又敗之南竹山賊大奔竄蓑衣
洞踞張天湖之險官軍率民勇襍運土石薪木塞洞外
港口壅水成渠賊糧盡復出我軍偽遁誘之殲其眾尸
積雷公潭潭水爲赤擒懷樸文琮及其黨朱象喬等三
十四人六年六月有

旨以甯州士民敵愾同仇知方向義改爲義甯州民人李君弼

等五人武生梁韜等十人賞職銜頂戴有差

檔案義甯州志

咸豐二年

壬子

廣西金田賊洪秀全楊秀清竄湖南桂陽

旨督兵馳赴九江會剿駐軍瑞昌

三年

丑癸

總督陸建瀛急走還江甯賊遂陷九江巡撫張芾亦引

兵歸守賊復棄九江趨安慶進陷江甯至五月賊再竄

江西南康羣民縛官以迎賊賊入南康遂薄省城

虎兆
林清

粵匪過南康事云粵匪自金陵竄江右連檣入湖口未至南康前一日郡民數百人醵錢卹銀米等覓備乃入縣廨誘令出脅往城東偏同善堂徵獄出囚明日郡守行香城隍廟民又脅以往環守之日午望賊月近并銀米食物縛守令迎而獻焉賊納之數逆酋使導入城周視訖火一二祠寺竟去民有隨去者

察使江忠源護九江總兵羅玉斌方駐軍九江事急九

江不足守芾奏移二軍援省時尙書陳孚恩方奉

旨
在籍團練防堵忠源軍至芾與孚恩議委以軍事六月癸未

德勝門西地道發燬城六丈餘忠源督軍出戰賊不得
上堵築一晝夜城復完壬寅賊再穴章江門復爲九江
總兵馬濟美擊走癸卯賊攻永和門會濟美爲游言齟
齬憤激甚銳志赴敵猝中伏陣亡從子炳元殉焉鄱陽
知縣沈衍慶轉鬪而前奪其尸歸七月賊連陷豐城高
安鄱陽浮梁樂平勢張甚值援師四集累戰皆勝八月
庚子戌亥之間南風大作各軍整隊齊出焚賊壘殆盡
餘賊奪船乘風下竄復入九江凡賊攻南昌九十餘日
至是圍解檔案 平定粵匪紀略 謹案南康饒賊蔡
浮梁之陷蔡民石芒沅石亮余得潰余得厚等亦執知
縣謝方潤搜印斂錢以餽賊方潤不屈死事定獲芒沅
凌遲亮得潰
得厚斬梟

賊竄鄱陽時知縣沈衍慶方率勇援省聞警急歸兼攝

縣事樂平知縣李仁元既受代自請留郡辦賊城久圯

水盛漲戰守無具七月丁巳舟賊數百甫薄岸遂入東

城衍慶急督勇巷戰手刃二賊仁元繼進賊已大至眾

寡不敵仁元歿於陣衍慶負重傷力戰死丁卯樂平陷

仁元之父文石弟誠元母妹妻妾及僕婢皆殉難

檣案

時泰和土賊竊發擾吉安圍攻南門知府王本梧督軍

守禦歷五晝夜賊不得入焚古東山安福國儲漕米七

月己巳本梧出城擊賊斃賊百餘賊遁走本梧督軍窮

追中伏軍潰與照磨謝時霖同遇害

檣案忠義錄王本梧傳

四年

庚午

七月賊由都昌來遂掠吳城入渚溪偏建昌山

下渡十一月湖北田家鎮敗匪入吳城焚民居官軍方

圍九江賊欲爭上游以爲牽制庚午賊至吳城焚官軍

戰船陸軍亦潰十二月前兵部侍郎曾國藩軍爲賊敗

於九江退駐南昌

檣案

謹案國藩督軍東下疊克堅

吳城軍潰賊得以船礮還攻遂致失利

五年卯賊復陷饒州二月乙巳竄樂平韓家渡眾三千

人戴正才伍連魁程學敘率所部以寡擊眾殺賊二百

餘人學敘歿於陣賊轉入德興界三月丙寅復由黃柏

塘小徑陷弋陽會甯紹台道羅澤南安慶府知府李續

賓率師至與賊戰弋陽西關外殲數百人賊遁興安既

而婺源之賊來會遂走大路口乘虛入廣信丁亥羅李

二軍追賊廣信駐城西烏石山營壘未定賊出南西北

三門前後圍攻澤南督軍築壘如故壘成賊氣憤遂發

軍縱擊賊大奔次日賊以三路誘戰設伏林密澤南以

兩軍運奇禦賊分一軍由他道擊賊伏賊失應援眾齊

潰遂薄城是夜賊啟東門遁

撫案上饒縣志忠義錄羅澤南傳

四月僞丞相鍾賊攻義甯州先是僞帥金之利盧拐子
擾崇陽通城累犯州境皆爲團練所敗獲金之利四年
秋泰鄉團練越境殺賊克武甯賊仇義甯甚至是率眾
數萬由楚北曉夜兼程撲州西界與戰不勝辛亥圍州
城城四面皆山賊分眾踞險以絕外兵八鄉團勇羣起
救援大小十餘戰銅鼓都司張全孝八疊司巡檢吳元
理團長魏深清曾承暉皆戰歿城中婦孺咸登陴助守
凡二十一晝夜待援不至賊於城西傍城築牆伏牆外
穴地而攻城中築月城備之工未竟五月庚午城陷州
民猶巷戰自辰達午殊死鬪知州葉濟英闔門殉難州

同蔣啟華亦歿於陣丁壯婦孺同時畢命者十萬餘人
城陷三日都司吳錫光始自饒州督軍至將合安鄉團
勇進取州城及湘竹賊窟至軍潰錫光自刎死七月甯
紹台道羅澤南督軍由泰鄉入贛州鎮總兵劉開泰由
安鄉入澤南以州人李炎爲嚮導三戰三捷進據龍嶺
劉軍亦至乘勝台擊前後殲賊亦萬餘遂復州城時城
內外積骸殘燼血肉狼籍澤南檄州人掩埋爲大冢北
門外鳳凰山下題曰十萬人墓

義甯州團練同仇錄
州志 忠義錄羅澤南

傳

十月僞翼王石達開自崇陽通城敗竄義甯州眾不滿
千而茶陵逆黨由萬載來與之會總兵劉開泰擊賊於
小斗嶺軍敗開泰父子皆戰死十一月賊由崇埠陷瑞

州分趨上高陰岡嶺陷臨江十二月賊復出臨江陷袁

州

義甯州團練同仇錄

六年

丙辰

正月癸未吉安告陷賊自五年秋由蓮花廳入

永新進薄郡城按察使周玉衡時爲贛南道聞警往剿賊眾我寡不能戰遂入城與知府陳宗元知縣楊曉昀固守待援十一月臨江賊復由阜田陷永豐吉水郡城益孤正月丙寅賊用地雷攻西月城王虎臣周恩力護缺口參將柏英都司馬福壽縋城出戰賊始退走王申我軍復啟小南門擊賊燬賊一營時內外阻絕文報至片紙密字十不一達援師終不至賊圍日厚更互迭攻守丁莫敢少息及城陷官紳弁兵無一人生者周玉衡陳宗元父子俱殉難

檣案

吉安旣陷賊分黨擾贛州護巡道南安知府汪報閏赴萬安剿賊不克退守郡城道路多梗援師不得前報閏因乞師於兩廣總督葉名琛名琛令潮州鎮總兵壽山南澳鎮總兵謝焜參將梁顯揚率軍援贛破賊於光稻坪自五月至十月樓梯嶺潭口賊壘次第殲滅贛始解圍報閏旋擢福建延邵建道爲人所讒竟以侵帑被議

贛州府志 忠義錄 汪報閏傳 粵東剿匪紀略

臨江賊攻樟樹鎮敗副將周鳳山軍遂連陷豐城進賢至是吉安之賊復陷永甯樂安諸邑二月丙午賊分兩路陷撫州丁巳陷建昌遂趨東鄉安仁餘干樂平萬年入浮梁三月侍郎曾國藩調李元度林源恩二軍赴撫州剿賊復進賢東鄉破賊五營進偪城下賊援踵至建

昌賊聚於油礮瑞州臨江賊屯西津渡崇仁宜黃之賊徑棠埠至秋下官軍四出截擊相持凡月餘大小二十餘戰殺賊盈千賊踞城如故

案檣

時援師四集湖南則道員劉長佑由醴陵進克萍鄉遂抵袁州同知蕭啟江撥司劉培元由瀏陽至株樹潭以四月乙卯克萬載會攻袁州湖北則游擊普承堯同知吳坤修會國華由通城赴義甯州水師下游則惠潮嘉道彭玉麟駐吳城上游則記名道劉于濤駐市汊又分二營駐饒州省河李元度請發水師會攻撫州乃以分營往四月劉于濤克復豐城

案檣

都昌賊窺鄱北童子渡都司畢金科所將兵僅千人賊眾五倍五月辛未金科以七百人中途邀擊大破之

案檣

八月邊錢會匪勾結粵賊陷貴溪弋陽突犯廣信知府
沈葆楨乞師於浙貴州安義鎮總兵饒廷選方駐師衢
州督所部賴高翔畢定邦諸軍馳赴廣信守禦嚴密賊
不得逞

檔案 平定
粵匪紀略

援江楚軍劉長佑攻袁州自高岡嶺進至沙田布蕭啟
江軍亦至土龍袁山下斷分宜臨江賊援十月戊子吉
安賊萬餘入彬江爲我軍擊走踞合山戊戌都司田興
恕統軍至庚子會攻彬江焚賊壘時賊踞城中者爲二
黨一皆廣匪一屬僞侍衛李能通癸卯能通令難民持
書出城乞降劉長佑令知縣劉坤一單騎覘之諭以禍
福能通感奮願爲內應許之十一月甲寅能通令內應
啟西門劉坤一與都司黃三清守備梁開國奪門而入

登城大呼殺賊廣匪猶死拒擒偽檢點黃毓生餘眾越

東門遁走庚午官軍復分宜

檣案 袁州府志 平定粵匪紀略

十二月西安將軍福興奉

旨督辦江西軍務駐廣信

案

七年丁巳閏五月丁亥湘軍記名道王鑫攻吉安水東

謹案

是年二月劉長佑軍屯太平墟為賊所敗湖南巡撫駱秉章檄王鑫江忠義兩軍來援既至臨江鑫以賊眾萃

於水東遂率賊竄水南與萬安逸賊合犯永豐藤田鑫師渡河擊賊

抵藤田偽禱天侯胡壽階率眾數萬至沙溪出藤田後

鑫敗賊於陂頭次日賊大舉犯藤田鑫見賊至令軍攻

其左賊眾悉左急自將敢死士百人攻其右賊陣亂退

走再憾之於瑤嶺擒胡壽階餘賊喪膽進擊沙溪又敗

之賊之留永豐者尙八萬人鑫以千二百人往破之於

釣峯自金渡贛江九十日凡十二大捷俘馘萬餘

檔案忠

義錄王

金傳

初曾國華丁憂歸以劉騰鴻統其軍合普承堯吳坤修之軍攻瑞州築長壕以困賊圍既合賊不得逞夜輒越濠焚民居皆爲我軍擊走於時麥熟騰鴻恐資賊糧乃過濠誘戰盡割以歸賊援絕糧盡猶出城拾野菜掘草根爲食七月壬辰夜各軍合擊賊賊不支遂復瑞州是役也騰鴻期卽日破賊身先士卒爲飛礮所中死其弟騰鶴大呼復仇勇氣百倍卒克堅城時論嘉之

檔案平定粵

匪紀略

劉蕭兩軍旣克袁州進剿臨江屯軍太平墟及陰岡嶺二月賊首韋志俊渡三曲灘劉軍接戰不利退駐分宜

同知劉坤一整隊復進敗賊於淪水之西復屯太平墟
賊欲北走瑞州蕭軍敗之於陰岡嶺三月劉于潯水師
繼至攻燬附城礮臺四月王鑫亦移營近郊於是劉王
兩軍軍西南蕭軍屯東北水師潯沙湖支河分道偪城
下五月築長濠軍已合圍賊猶死拒賊黨在新淦者由
新淦挾江冀潛渡入援王鑫旣破水東之賊引軍往樂
安進規撫建旋以病卒水東阜田之賊復熾周鳳山諸
軍皆敗遂出安福窺新喻冀援臨江眾數十萬普承堯
一軍甫至羅坊營壘未立賊已大至敗走陰岡嶺劉坤
一由太平墟至黃岡約團練爲守禦計聞賊至東岸急
調兵千人駐鐵樹嶺庚午戰於羅坊渡口獲小勝辛未
承堯軍失利賊入羅坊長驅而下坤一軍亦敗至陰岡

嶺黃岡太坪團約盡解城賊知外援將至日出苦戰官軍腹背受敵議者欲還師圖再舉長佑憤然曰攻此城半載餘矣功在垂成豈宜一旦委棄有并力決戰耳遂留三成隊守濠七成隊赴敵是日大風揚塵天容黯淡鼓眾一呼無敢先後破賊六營賊馬隊復出又爲我軍奮擊馬皆反奔各軍繼進盡平賊壘遂過太坪窮追至黃岡賊遁歸阜田九月長佑以賊猶望外援設疑兵作援賊狀賊果出城分路迎戰復爲我軍所敗至是賊僞檢點程瀛屢乞降未之信也十月程瀛復乞降許之丁卯劉長佑巡軍南門程瀛至繳僞印三百餘顆約詰朝以眾來歸甫入城爲賊所殺僞元帥甯正魁率其黨二百餘人越城出告內亂麾軍急攻賊仍伏匿劉坤一令

各軍少退以誘賊賊果出小南門方踰濠我軍轉鬪破其土城而還厥後我軍數挑戰賊負嵎自固有時傾巢來我軍環擊之殲焉賊既不敢出撫州援賊又阻水軍不能至十二月乙卯賊棄城宵遁

檣案

賊入九江以咸豐三年六年冬浙江布政使李續賓既克武昌遂沂江而東合彭玉麟楊岳斌水師攻九江濬五濠築長圍以困賊提督鮑超方駐二套口攻小池七年八月小池賊遁走九月彭玉麟敗賊於湖口進攻石鐘山分擊梅家洲李軍潛濟八里湖繞出山背賊驚潰斷其浮橋於是水陸諸軍皆合十月雷家渡口八里湖白水湖皆立營壘城圍既密謀掘地道復爲石阻八年二月續賓環城審視得東門外磨盤洲中岡地駐軍其

巔穴地爲三道令水陸各軍往復攻戰以誤賊工凡月
餘先成其二三月辛丑越五日乙巳地道發皆燬城數
丈賊猶死拒我軍不能進四月壬子地道再發東南城
盡圯副將李續燾先登拔新壩鐵柵攻其西水師自北
門入殺賊無算餘眾突圍出盡溺水死

續案 九江府志 平定粵匪

紀略

官軍旣克臨江乘勝攻撫州楚軍圍其東而西而南江
軍水師扼其北賊啟東門率二千餘人分道迎戰爲楚
軍所敗遂偪城劉坤一蕭啟江兩軍亦分道進師劉軍
次秋溪蕭軍次上頓渡賊猝至上頓渡啟江堅陣以待
坤一遣鄧在富將二千人往援遂合擊大破之再戰再
捷進次高橋建昌援賊出龍古渡欲襲我軍之後在富

出不備擊之破賊七壘賊援絕先是劉子潯令水軍僞通賊爲內應賊信之戰船得泊城下四月乙丑賊內亂城中有殺聲水軍自北門入楚軍自南城入賊錯愕不敢戰走東門尙萬人官軍追勦斬馘及溺水死者二千有奇生擒百六十四人賊自撫州奔建昌

撫州府志忠義錄蕭啟

江鄧在富傳

建昌之賊負嶠最久泊張運蘭攻建昌先敗賊於磁圭赤家山賊復自雲窯雙游傾巢出屯新豐運蘭引軍夜襲燬賊三十營追至陳家山賊久膽落四月庚午夜中視城外鬼燐徧野復大懼棄城走官軍收復建昌

撫案新

城縣志

賊之救臨江也遇我軍截擊不得越尙踞吉水總兵普

承堯方合張運蘭王開化之軍駐沙溪十月癸丑普軍
取道真君山張軍取道螺子山以攻賊賊亦分眾迎戰
爲我軍所敗遂克將軍嶺周家嶺陂頭明日遮克敦布
曾國荃趙煥聯劉培元諸軍進擊曲瀨瓦窰連破賊壘
進攻縣城克之再戰再勝賊遁入都墟張軍追至西坑
而還十一月吉安賊分門出犯我軍已合圍數戰皆捷
八年二月賊再犯真君山復爲我軍所敗及重午日遮
克敦布率師僞爲競渡突上白鷺洲破賊土城賊以水
軍屢攻浮橋又屢敗於我八月丁巳水師先登縱火啟
門迎官軍遂克郡城

檣案

撫建旣復賊悉眾犯浙由浙竄閩退攻廣豐玉山不克
八月出黃土關犯新城劉長佑率軍迎擊斬馘數千進

勦熊邨圓邨湯坊傅坊七戰七捷賊走甘家隘丁未我軍乘大霧趨甘家隘路險絕賊不得遁追殺二十餘里

先後擒斬二萬餘人

檔案

九月賊圍南安踞新城墟趨賢女埠十二月壬寅郡城陷知府葉球大庾知縣黃榮庚死之時蕭啟江方駐師贛州南康知縣周汝筠聞變乞援九年二月己未蕭啟江攻賊賢女埠破新城墟追抵池江辛酉我軍復小挫退麻布壠乙丑再攻池江克之盡焚小溪鳳凰城長江墟賊巢賊眾宵遁復郡城

檔案
粵匪紀略
平定

自四年賊入饒州遂出沒浮梁之景德鎮無甯歲畢金科以七年正月元日孤軍攻鎮賊遇伏戰歿賊無顧忌八年十月鮎魚山官軍又失利虐焰益張侍郎曾國藩

方督師建昌三面皆賊東閩連城南則信豐北爲景德鎮會連城信豐之賊勢感欲遁獨鎮賊負隅如故國藩以爲賊之踞此無論東窺廣信西趨湖口皆莫大之患且三河軍潰大江北岸防不勝防若彭澤湖口復爲賊有九江亦危因調張運蘭軍合劉于潯水師會攻景德鎮十二月張運蘭進營寺前王文瑞引軍至黃泥頭遇賊戰勝已克上下里邨而水師又敗於賊及九年正月浮梁北鄉團勇屢破賊己亥官軍攻賊壘中伏退屯黃泥頭賴後軍繼至賊始卻會大雨連朝江水盛漲於是水師攻克十八渡燬小港嘴礮臺發戰船渡陸軍以合擊自二月至五月我軍九次攻鎮皆捷然賊壘堅不可拔知府曾國荃統軍自撫州取道東鄉樂平入三溪營

於知覺嶺賊悉眾拒戰皆敗勦樂平浮梁團丁台萬餘人咸賈勇誓死隨官軍入鎮殺賊賊受大創六月壬子

夜遂棄鎮走入祁門

檇案 饒州府志

贛郡自六年解圍以後定南長甯安遠會昌興國零都頻年征戰獨定南廳爲蕭沅偉攻陷旋亦克復代理同知姚世恩以追賊陣亡然邱文光馬修良卒斬賊首謝三滿以歸民團則舉人徐嶠戰於下歷斃賊數千長甯諸邑田兵咸合力拒賊賊不敢犯零都知縣潘毓瑞嘗會攻甯都復敗信豐逸賊十年六月同知周慶榕且督南康練勇越境殺賊復廣東仁化縣城當是時外郡半爲賊擾而贛獨完雖民自爲守足以禦侮然危地能存實巡道汪報閩力也故贛人至今思之

檇案 贛州府志 粵東剿匪

略紀

十年庚申七月吏部尙書陳孚恩右侍郎萬青藜等奏江

西辦理團練酌保督辦幫辦各員有

旨四品銜前翰林院修撰劉繹賞加三品京堂銜作爲江西團

練大臣吉南贛甯道沈葆楨布政使銜甘肅安肅道劉

于潯幫辦九月陳孚恩奏沈葆楨告養開缺請於布政

使張集馨督糧道李桓吉南贛甯道李瀚章簡派一員

奉

旨以吉南贛甯道李瀚章幫辦南案謹案同時奏保者前湖

萬啟琛吏部郎中梅啟照刑部員外郎曾作舟戶部主

事吳增達刑部主事劉宗岱戶部主事何桂芳候補郎

中程修禮中書吳芳蘭陶作賓知府丁峻直隸州知州

屈蟠知縣黃贊禹王采藻李文烜訓導藍炳芳姚步瀛

游擊等進春均奉旨歸團練大臣差委

十一月賊首黃文金由建德入犯江西窺景德鎮太常寺卿左宗棠軍松嶺提督鮑超軍施家嶺賊不能進走洋塘鮑軍由洋塘追賊至彭澤下泥坂宗棠分軍駐小麥鋪十一年正月乙卯鮑超令總兵陳大富趨建德斷賊援已率全軍進黃麥鋪遇賊戰大勝追四十里至建德縣陳大富已會合水師先復縣城賊眾宵遁案

是月僞忠王李秀成由廣信圍建昌二月丁卯賊趨崇仁攻撫州爲水師所敗竄臨江三月復由新喻羅坊度陰岡嶺陷瑞州七月己丑賊聞提督鮑超軍至九江急遁走乙未復瑞州於是奉新靖安安義之賊悉遁臨江渡河擾樟樹沙湖至豐城綿亙百餘里乙巳鮑超由瑞州督軍至豐城西北岸庚戌賊整隊山岡我軍張左右

夾擊分兵出山後扼其背賊大奔斬馘盈萬

檣案

同治二年

癸亥

二月甲午僞孝王胡鼎文由龍船灣犯梅

源橋程發達率團勇伏橋左俟賊過突出毀橋斬馘百
餘丁酉參將韓進春督軍合團勇擊賊於遇田殪其前
鋒賊遁走擒僞丞相王貴會次日復戰韓進春手刃騎
賊五人賊大潰由洋塘山徑入許家山丙午僞堵王黃
文金率悍賊十餘萬由祁門桃墅嶺合許家山賊至丁
未賊分眾列上下游飛流竟渡韓進春以眾寡懸絕誓
死戰甫令前軍誘賊過河東西兩軍已爲賊隔進春十
營盡起親率敢死士衝賊右翼西路始通東路馬隊亦
突圍出自巳至申各軍奮戰賊敗走楓樹隴胡鼎文死
戮其尸

檣案 饒州府志

黃文金既敗西竄湖口分賊眾爲三一由文橋一由梧桐嶺一由太平關浙江鹽運使李榕督軍戰彭澤項家山既克捷聞湖口告警五月己未進營三里街提督江忠義自九江東渡來會屯堅山六月壬辰賊自文橋犯堅山江軍直前迎敵李軍繼至賊卻走甲午賊悉眾伏張天社酬山遣其黨趨堅山誘戰自辰至午我軍堅壁不出賊計沮分三四人攻江軍左翼餘眾盡出三面合圍我軍迎擊斃賊千餘前者死後者繼賊終不退有悍酋屹立賊陣吹號麾眾降卒邱福勝識爲黃文金營官黃仁遣令火器隊同時並發應聲而仆賊大潰退入文橋會浙江援軍按察使劉典及席寶田顧雲彩屈蟠諸軍皆至敗賊於青山橋屈軍再敗之段家洲七月丁

未夜江忠義約李榕會攻文橋出賊不意焚七壘追至建德羅家畝賊尸山積時援賊數萬已出官軍之後賴都司夏基鴻鼓眾血戰短兵相接以一當百賊失援遂不支

檔案 平定
粵匪紀略

自二年十月官軍克蘇州三年二月克杭州我軍攻江甯者亦克天保偽城營太平神策二門援賊不得入守賊不得出賊眾無歸復竄江西偽沛王譚賊敗於撫州率黨潛趨建昌劉于濤遣軍往援一戰於金竺山再戰於萬年橋斬偽將朱義值韓進春席寶田各引軍至二月己丑密約諸軍分路擣虛賊迎戰中伏大潰退至兜港竄新城廣昌界陷南豐

檔案

四月賊陷弋陽己卯道員陳鳴志鄧子垣督軍赴弋陽

遇賊於連湖坂雨甚我師僞退誘賊賊亦退提督徐生
德捲旂疾入賊驚而走乘勝克弋陽別賊聚沙溪者由
靈溪橋犯廣信不克復南窺廣豐道員王德榜張岳齡
敗之青荆山石灰嶺再擊之洋口鎮賊入鉛山境踞湖
坊弋陽敗賊趨馬鞍山復爲我軍擊走乙酉僞侍王李
世賢率賊眾越金谿走許灣爲劉于潯水師所阻不得
渡丙戌攻撫州東門文昌橋于潯率水師力擊賊胡迪
堂者以勇敢爲賊所憚至是血戰三晝夜猝中敵歿於
陣于潯急揮軍死鬪營官黃名揚然巨礮擊賊賊奔民
房蔽牆拒守我軍復登岸毀牆始退走已而賊大集更
互鏖戰見星未已及夜半賊前隊皆溼絮加木以護首
呼噪出我軍屏息待之旣近礮發殲其眾後賊繼至黃

名揚擊以火毬斃賊無算達曙始卻走戊子賊再攻橋
蠡擁而上復爲黃名揚所敗餘賊方繞千金坡將偷渡
水軍奪其簞筏乃走許灣己丑李春培追擊於許灣遂
遁入金谿沿河上竄襲建昌萬年橋席寶田劉勝祥力
戰卻之甲午賊西渡陷宜黃崇仁

案檄

五月僞聽王陳炳文僞康王汪海洋自上清宮入金谿
黃道山窺許灣分竄瀘溪入新城趨東鄉官軍戰於斜
頭丁姓中伏失利

案檄

六月王德榜率軍由弋陽赴樟槎袁家壩總兵孫昌國
方攻盛源洞賊斬馘數百賊退鷹潭王德榜軍至安仁
合攻鷹潭追賊至鄧家埠時陝甘總督楊岳斌奉

旨督辦江西皖南軍務岳斌以賊勢趨重崇仁取道豐城馳往

督勦先是江席兩軍圍崇仁累戰皆捷六月丙戌鮑軍由豐城進橋東賊從南豐閒道犯秀才埠爲我軍所敗時汪海洋方據許灣遙爲聲援岳斌乃檄鮑超先攻許灣七月己亥朔鮑軍至七里岡壬寅合軍擊賊劉于灣率水師助之焚雙鳳嶺琉璃岡許坊苦竹中洲洋洲賊壘斃賊萬餘既克許灣賊勢大熾甲辰劉典軍攻崇仁民城江忠朝席寶田軍攻官城賊分眾拒戰覆之乘勝進據西門小埠戊申劉典令劉勝祥偪城而營與江席兩軍環城擊賊賊愈恐夜遁宜黃劉典急督軍攻宜黃先是宜黃賊已分半入南豐崇仁敗賊皆入南豐我軍至宜黃賊悉遁南豐遂復宜黃官軍復崇仁之日賊之踞東鄉者亦爲提督周寬世所敗遁入金谿鮑超既克

許灣拔營攻金谿適以是日至遂殲賊於楓山鋪追至北門營官周有勝奮奪鷓鴣嶺破賊七營譚勝達擊和尚橋瓦窰賊壘洪容海攻北門王衍慶攻東門斬關入賊南竄瀘溪入白桿邨潛伏山谷是月庚戌陳炳文三次詣鮑超軍前乞降許之散遣其眾六萬餘人

檣案

席軍之圍南豐以四月守備楊明發奪門入中破死矢石雨下我軍不得前六月與劉典軍敗賊於鐵子嶺至是韓進春敗賊於上塘進規南豐七月甲寅戰於裏塔墟甫交綏賊急走入城乙卯我軍進逼城下丙辰分道攻城賊列陣北門以拒敵會鮑軍馬隊繼至遂大潰繞城走一趨廣昌一趨河東河東之賊爲鮑軍誅斬殆盡

檣案

南豐旣復賊之在瀘溪者提督唐仁廉先敗之於西鄉
至珀玕追至三江港口至是拔營攻新城盡殲竺油亭
坊潭市街洪木街之賊會鮑超馳抵建昌將馬步全軍
扼上塘戰於大洋渡賊敗走中田七月戊午夜四更謀
告賊遁鮑超督各軍齊進遂克新城

檣案

宜黃敗賊方圍甯都州南豐賊合之麇聚城下知州郭
毓龍嬰城固守斬奸民彭世春賊失內應氣大沮走甯
都吉南贛甯道王文瑞敗之於今溪賊匿城中八月庚
午賊忽棄城過河犯安遠爲團勇迎擊走信豐踞烏漾
灘旋窺楓樹坳復爲江忠朝所挫繞廣東南雄州邊境
犯南安踞水城江軍往援苦戰五日乙酉賊走梅嶺我
軍追至梅嶺中站賊遁南雄州竄龍南泗源堡知縣蔣

如琳把總范應龍等再敗之賊走定南境案

九月庚子汪海洋敗竄瑞金焚劫民寨攻九堡雞星不

克欲趨甯都鮑超軍至甯都賊由桃陽隘入閩復入粵

踞嘉應州瑞

大軍克復江甯賊首洪秀全已死剉其尸其子福瑱薙

髮潛遁率餘黨由陳坊花橋分兩道一出光澤一出瀘

溪殘匪數千避兵而走不循蹊徑氣力衰竭席寶田追

賊至石城窮搜荒谷九月癸亥游擊周家良獲洪福瑱

及偽王洪仁玕黃文英洪仁政等事聞有

冒洪福瑱幺膺小醜漏網餘生不值檻送京師卽在江西省城

凌遲處死案

四年乙丑四月西征叛勇由湖北通城竄義甯州爲民團

擊卻旣而陷萬載攻袁州官軍赴援復竄萍鄉五月丙申爲官軍所敗竄湖南攸縣繼由廣東南雄州竄信豐界總兵吳雲集逐之遁和平六月乙未復由興甯竄長甯留車墟提督周寬世引軍逆擊退入平遠旋走大柘詣總兵方耀軍乞降

備案義甯州志袁州府志

時粵賊殄滅脅從解散獨汪海洋偷息閩粵江西邊境屢犯長甯信豐定南又入下歷攻龍南城東門皆爲官軍擊走至是王開琳軍出定南席寶田周寬世兩軍駐鐵石口婁雲慶軍循信豐出南安視賊所向相機應敵初巡撫劉坤一奏各守各疆恐防久生懈宜合閩楚各軍越境圍攻有

嘉許九月庚午巡撫督軍赴贛州會剿十二月三省大軍收

復嘉應州汪海洋伏誅其黨譚體元率眾竄黃沙嶂爲
鮑超諸軍擒斬盡降其眾爰留席寶田一軍赴興甯除
餘孽邊境解嚴

檣案

江西通志卷九十八

前事略二

祥異

漢

文帝五年吳暴風雨壞城及官府民舍十二年有馬生角於吳角在耳前上鄉右角長三寸左角長二寸皆大二寸劉向以爲馬不當生角猶吳不當舉兵上向也時吳王濞封有四郡五十餘城內懷驕恣天戒數見終不改悟後卒誅滅

豫章書

漢孝景帝二年七月丙子火與水晨出東方因守斗占曰其國絕祀至十二月水火合於斗占曰爲淬不可舉事用兵必受其殃斗吳也又爲粵是歲彗星出西南其

三年吳楚膠西膠東淄川濟南趙七國反吳楚兵先至
攻梁漢遣大將軍周亞夫等戍止河南以候吳楚之敝
遂敗之吳王亡走粵粵攻而殺之

漢書天文志

建平中豫章有男子化爲女子嫁爲人婦生一子

豫章書

建武二十四年九江多虎大蝗

林志

永平九年正月戊申客星出牽牛長八尺厯建星至房
南滅見至五十日牽牛主吳越後廣陵王荆與沈涼楚
主英與顏忠各謀逆事覺皆自殺十八年十一月甲辰
晦日有蝕之在斗二十一度是時馬太后制得祿故陽
不勝

續漢書天文志五行志

永平十三年白鹿見南昌

林志

永平末豫章蝗穀不收民

饑死每縣幾數千百十人

五行志注

元和二年白鳥見南昌時李儀爲太守林志三年海昏縣

出明月珠縣東十五里地名珠溪大如雞子圓四寸八分古今注

永元十一年豫章餘干得白鹿高丈九尺古今注

永初六年夏六月豫章負谿原山崩共六十三所鄭樵通志

元初六年南昌芝草生通鑑綱目

永建六年十二月壬申客星芒氣長二尺餘西南指色

蒼白在牽牛六度客星芒氣白爲兵牽牛爲吳越後一

年揚州六郡逆賊章何等稱將軍犯四十九縣大劫略

吏民續漢書天文志

永和二年八月庚子熒惑犯南斗斗爲吳明年五月吳

郡太守行丞事羊珍反江賊蔡伯流等數百人攻廣陵

九江燒城郭殺都長四年七月壬午熒惑入南斗犯第

三星斗為貴相為揚州熒惑犯入之為兵喪其六年大將軍王商薨九江丹陽賊周生馬勉等起兵攻沒郡縣

續漢書天文志

永和閒豫章太守孔竺臨郡三月白雀出南昌

藝文類聚

案舊志祥異凡所徵引往往檢本書無此文其所稱郡縣亦多未合蓋隨取後人追書之語於史志及唐宋人紀載多置不錄道光中巡撫吳文鎔曾修通志固始將湘南改撰祥異擬稿三卷今編訪不可得增記於此

吳增

黃武元年鄱陽白龍見

按宋書符瑞志作黃龍

三年鄱陽大饑七

年豫章黃龍見

安志

赤烏十一年夏五月鄱陽言白虎仁

豫章書

十三年夏五

月日北至熒惑逆行入南斗秋七月犯魁第三星太元

二年權薨是其應也故國志書於吳

晉書天文志

魏高貴鄉公正元元年十一月白氣出南斗側廣數丈
長竟天王肅曰蚩尤之旗也東南其有亂乎二年正月
有彗星見於吳楚分西北竟天鎮東大將軍毋邱儉等
據淮南叛景帝討平之是歲吳主孫亮五鳳元年也斗
牛吳越分案占吳有兵喪除舊布新之象太平三年孫
綝盛兵圍宮廢亮爲會稽王故國志又書於吳

晉書天文志

大平初嘉禾生南城

豫章書

永安六年赤雀見豫章

豫章書

晉

太康元年正月己丑朔五色氣冠日自卯至酉占曰君
道朱明丑爲斗牛主吳越是時孫皓淫暴四月降

豫章書

是年豫章生嘉禾龍見於建昌七里汀立祠祀之後禱

雨輒應安志三年白雀見豫章王五年秋七月嘉禾生豫

章豫章書秋九月南安大霖雨暴雪樹木摧折害秋稼鄭

通志七年木連理生豫章太守蘭隸以聞安志八年夏四月

木連理生廬陵東昌白下大記十年十一月木連理生鄱陽

鄡鄉宋書符瑞志謹案玉海三年白雀見豫章宋書作太康七年七月庚年

元康四年秋七月白鳥見鄱陽豫章書

永興元年彩雲覆豫章甘露降麒麟見是年石陽地震

水湧山崩安志九月太白入南斗是年陳敏亂揚土晉書志

二年蝗大饑安志

永嘉三年填星久守南斗占曰填星所居者其國有福

是時安東琅琊王始有揚土晉書志六年秋七月豫章郡

有樟樹久枯忽見榮茂元帝中興之應也永嘉末豫章

有大蛇長十餘丈斷道過者蛇輒吸之吞噬百人吳猛與弟子殺蛇猛曰此是蜀精蛇死而蜀賊當平既而杜

弢滅

豫章書

元帝渡江歲填辰太白四星聚於牛女閒

晉中興書

太興元年正月麒麟見豫章

豫章書

冬十二月廬陵豫章

地震湧水出

豫章通志

二年夏五月蝗

豫章書

三年春正月白

鹿二見豫章

孫氏瑞應圖

太甯三年十一月癸巳朔日有蝕之在卯至斗斗吳分

野其後蘇峻作亂

晉書天文志

咸和二年春二月豫章有騶虞見

安志

夏四月己未豫章

地震

豫章通志

四年冬十月柴桑廬山西北崖崩

豫章書

咸和四年七月有星孛於西北犯斗二十三日滅占曰

爲兵亂十二月郭默殺江州刺史劉允荊州刺史陶侃

討默斬之

晉書天文志

咸康二年秋七月白鹿見望蔡豫章太守桓景獲以獻

五年南昌民掘地得銅鐘四枚太守褚裒以獻

豫章書

永和十二年秋七月甲申白兔見鄱陽太守王耆之以

獻并上頌一篇

豫章書

升平四年春二月鳳皇將九雛見於豐城

安志

興甯三年夏五月廬陵西昌修明家有僵栗忽復起

晉書

天文志

咸安二年春三月白虎見豫章南昌縣西鄉石馬山前

豫章書

太元六年夏六月江州大水

豫章書

十一年秋八月乙酉

白鳥集江州寺庭羣鳥翔衛豫章書十四年桐木連理生

豫章新淦陸地生蓮太守范甯表聞藝文類聚冬十一月辛

亥白虎見豫章豫章書十六年太守范甯獻白鹿一頭晉起

注居十八年夏六月己亥南康廬陵大水深五丈鄭樵通志冬

十月戊午臨川東興令惠欣之言縣東南溪旁有白銀

樹芳靈樹李樹並連理宋書符瑞志十九年十二月癸丑太

白犯歲星在斗占曰為亂饑為內兵斗吳越分至隆安

元年王恭等舉兵二年恭及桓元陷江州是後連歲水

旱饑晉書天文志

隆安四年正月乙亥月犯填星在牽牛占曰吳越有兵

喪女主憂晉書天文志

元興二年十一月辛巳月犯熒惑十二月桓元篡位遷

帝后於尋陽三年二月劉裕盡誅桓氏晉書天三年江

州竹生實如麥夏六月白雀見新淦獲以獻豫章書

義熙元年八月丁巳月犯斗第一星占曰天下有兵一

曰大臣憂案江左來南斗有災則吳越會稽丹陽豫章

廬江各隨其星應之宋書天南康雩都山有金雞青黃

色飛集巖間豫章書五年春正月戊戌夜尋陽地震有聲

如雷六年三月己巳月掩斗第五星占斗主吳起兵是

年徐道覆廬循反宋書天七年白雉見南昌安志八年自

正月至四月南康廬陵地四震鄭樵志義熙中豫章郡吏

易拔變為三足虎異苑

宋

文帝初為宜都王臨川人獻王萍實六子大者如斗小

者如鶴卵圓而赤初莫有識者以問長史王華曰此萍
實也宣尼所謂王者之應宋祚當卜年六百頃之宜都
王卽位諸宮故事六年春三月白象見安成安復江州刺史
南譙王義宣以聞十七年尋陽芙蓉生連理二十年夏
五月廬陵郡地芙蓉二花一蒂太守王淵以聞二十一
年白雀見南昌二十二年春二月辛未白鹿見贛縣南
康相劉興祖以獻豫章豫甯得銅鐘江州刺史廬陵王
紹以獻二十四年春二月壬午臨川王第梨樹連理臨
川王煜以聞三月甲寅甘露降尋陽廬陵王紹以聞夏
四月癸未甘露再降尋陽丙申又降江州城內桐樹丁
酉又降城北數里廬陵王紹以聞二十七年夏四月乙
卯至戊午甘露頻降南昌戊午午時天氣清明有彩雲

映覆郡邑甘露自雲中降太守劉思孝

思孝朱書作思考

以聞

二十八年春正月戊子木連理生尋陽柴桑又生州城

內江州刺史建平王宏以聞秋七月癸卯尋陽柴桑菽

粟旅生彌漫原野建平王宏以聞二十九年秋八月癸

酉白鹿見鄱陽南中郎將武陵王煒以獻

豫章書

孝建二年餘干地震死者二十九人

志安

三年春三月庚

子白鹿見臨川西豐夏四月丁亥臨川宜黃縣民於田

中得銅鐘七口內史傅徽以獻

豫章書

五月己未龍見臨

川郡江州刺史東海王禕以聞

朱書符瑞志

大明元年夏四月戊申白雀見尋陽冬十月丁丑木連

理生南昌五年夏五月白雀二見尋陽江州刺史桂陽

王休範以獻七年春三月丙申甘露降尋陽太守劉濛

以聞夏四月乙未白雀集廬陵王第廬陵王敬先以獻

豫章書

大明六年八月月入南斗魁中占曰吳越有憂明年揚

南大旱田穀不收民流死亡七年二月月犯南斗第四

星入魁中占曰豫章受災豫章王子尚死

宋書天文志

泰始二年嘉蓮一雙駢花並實合柑同莖生豫章醴湖

玉海四年春二月丙申望蔡獲古銅鐘高一尺七寸圍二

尺八寸太守張辯以獻五年夏五月壬戌南昌獲古銅

鼎

安志云上有篆文

容斛七斗江州刺史王景文以獻六年秋

七月壬午白雀二見廬陵吉陽內史江孜以聞冬十二

月壬辰木連理生南昌太守劉惔以聞

豫章書

元徽五年夏四月乙巳白雀二見尋陽柴桑江州刺史

邵陵王友以獻

豫章書

齊

建元元年夏廬陵長溪水衝擊山麓崩四年春三月白

虎見虔化縣

安志

永明元年夏五月木連理生安成新喻縣二年彭澤獲

白雉一頭二年春正月安成縣榆樹二株連理秋七月

安成王勗第獲白雀一頭四年夏四月東昌縣山白比

歲以來恆發異響二十五日有一巖褫落縣民方元泰

往視於巖下得古鐘一枚

齊書

五年望蔡獲白鹿一頭春

三月豫甯縣長岡山得神鐘一枚八年餘干縣獲白獐

一頭冬十二月柴桑縣陶委天家樹連理十年鄱陽郡

獻一角獸龍首鹿形龍鬚共色

豫章書

梁

天監元年八月壬寅熒惑守南斗占曰糴貴五穀不成

大旱多火災吳越有憂宰相死是歲大旱米斗五千人

多餓死其二年五月尚書范雲卒隋書天文志二年夏六月

太末信安安豐大水五年廬陵太守王希肅於高昌縣

之仁山獲銅瑞劒二口以間六年夏六月新吳獲四目

龜一豫章書九年望蔡縣得銅鐘內史表箋以獻安志十年

夏五月癸酉安豐縣獲一角元龜豫章書

大同五年十月辛丑彗出南斗長一尺餘東南指漸長

一丈餘十一月乙卯至婁滅占曰天下有謀王者其八

年正月安成民劉敬躬挾左道以反黨與數萬隋書文志

太清三年夏六月江州大饑人相食豫章書

大寶二年夏六月陳霸先發南康贛江水暴起數尺灘石盡沒進軍頓西昌有龍見水濱高五尺有五采色觀者數萬人霸先獨坐胡牀於閣下忽有神光滿閣燭照廊廡趙知禮怪問不答尋進軍討侯景破之

治縣志

陳

天嘉四年九月癸未太白入南斗其後安成王為太傅廢少帝而自立改官受爵之應也

隋書于文志

五年春正月

乙酉江州湓城火死者二百餘人

安志

大建七年冬十二月甲子南康郡獻瑞鐘一十四年秋

七月辛未江水色赤如血

豫章書

隋

開皇三年餘干大水漂市民三十五家

安志

八年十月甲

子有星孛於牽牛吳越之星陳之分野後年陳氏滅

天文志

唐

武德六年慶雲見洪州表臣某等言臣聞洪州慶雲見

至道以升開上帝無聲候休明而降祉同夫影響在域

斯通相彼天心實交其際伏惟皇帝陛下聖光御極體

睿凝圖始自憂勤宵翠飛於海外賜之仁壽採塗地於

宸中總絕代之英聲實無為之美政三秦咸泰六府斯

歌首冠是以邇無不取警德澤共二儀潛運清明與七曜

齊光是以邇無不取警德澤共二儀潛運清明與七曜

以相趨邇裘板屋之禽人提封而請吏上騰下瀾天千

地成嘉氣肉充卿雲以之舒彩盛德外發非煙由具散

色竊見守洪州長吏張惟善等稱以六月二十六日於

城內見慶雲自旦及申然後方散謹按瑞應圖曰慶雲

者太平之應孝經援神契曰德至山陵則景雲出又曰

天子孝則慶雲見金枝玉葉苦臨軒帝之營蕭索氣

復入唐臣之詠自非工倖造化道格上蒼光含六幽恩

流四海安能致茲神感式彰靈貺元黃閒起朱紫相輝

千載合符如斯之盛也雖復駢枝合穎匹此為輕絳雪

元霜曾何足喻凡諸率土預在肖形沐浴皇風用仰

藻汎以臣等謬忝衣簪旦夕嚴廊親聞錫瑞相呼抃躍實百常情不勝悅豫之至九年江州都

督太子衛副率侯君集於納義門獻白雀一豫章書

貞觀十五年洪州獻元珪玉海十九年餘干鶴生三雛一

赤翎二白翎時縣令顧錫豫章書貞觀間洪州馬孝恭入

南山化為虎二十年後轉為人而死安志

永徽元年夏六月饒州大水溺死者數百人豫章書

顯慶元年秋七月吉州火焚倉廩甲仗及居民二百餘

家冬十一月己巳饒州火豫章書四年建昌白鳥集安志

龍朔二年南康景雲見安志

麟德六年望蔡縣來白麀人民家馴擾不驚郡守獲之

以獻二十七年春筠州大水安志

垂拱三年饑天授元年白鹿見餘干習善鄉萬歲登封

元年春三月壬寅撫州火

豫章志

開元五年洪州火延燒州署州人見有物赤而噉噉飛

來旋節火發

林

十三年撫州三脊茅生

豫章志

十八年白

鹿見豫章二十七年春三月袁江二州水

豫章志

天寶初臨川郡人李嘉允屋柱生芝草狀如天尊像太

守張景倩

原作佚

截獻之

豫章志

大厯七年春二月庚午江州水溢豫章大厯周仙鶴巢

於大果寺樹

安志

貞元元年嘉禾生洪州或五莖四穗或兩莖三穗

年洪州火燔民居萬七千家

林志

謹案新唐書五行

繫此文考貞元元年年至十三年十九年志全用舊唐書

文則此為續修者所增而失其次者林志定為貞元二

年是也舊志又引安志有永貞二年燔民居七千家一

條未知所本蓋見五行志繫貞元十九年後因以永貞

二年當之歟考唐書本紀順宗改元永貞明十年夏四

月江州溪澗魚頭皆戴蚯蚓豫章十一年星子來白鹿

李渤馴焉飼以自娛今白鹿書院因此名也安志

元和二年秋洪州大旱安志三年旱四月秋旱七年夏五

月饒撫虔吉信五州暴水虔尤甚平地有深至四丈者

豫章高安城中火焚官舍民居甚多安志九年秋江撫袁

等州大水害稼豫章十一年秋九月饒州大水漂失四

千七百戶綱目十五年六月十六日慶雲見袁州西北至

暮方散刺史韓愈以表圖稱賀韓愈賀慶雲表臣某言

中時有慶雲見於西北至暮方散臣及舉州官吏百姓

等無不見者五采五色光華不可徧觀非煙非雲容狀

詎能詳述抱日增麗浮空不收既變化而無窮亦卷舒

而莫定斯為上瑞實應太平臣某誠歡誠喜頓首頓首

謹案沈約宋書云慶雲五色者太平之應又據孝經我

聖契曰王者德至山陵則慶雲出故漢帝問之以紀事

虞舜由之而作歌又按季夏六月土王用事某日景戌亦主於土西北方者京師所在土為國家之德祥見京師之位既徵於古又驗於今伏惟皇帝陛下德合覆載道光軒虞嗣位於之初禎祥繼至昇平之符既兆仁壽之域以躋微臣往在先朝以論事得罪身居貶黜之地目觀殊常之慶抃躍欣幸實倍常情伏乞宣付史官以彰聖德所致瞻戀闕廷心魂飛馳無任欣忭踴躍之至謹奉表陳賀以聞

豫章書

有星殞於牙門將孔和讓第仰山古廟獅鳳見

志安

長慶三年秋洪州旱螟蝗害稼八萬頃

舊唐書五行志

四年冬

十一月吉州大水

志安

寶曆元年秋旱

豫章書

太和四年大水鼠害稼八年秋水害禾

豫章書

大中閒虔州刺史賈琮入覲駐旌遂興江口見州有五

色祥雲起因名萬安為五雲

林志

見縣志謹案萬安五色雲

善祥由縣丞召還時事與林志不合萬安鎮之名始於南唐宋熙甯四年立為縣大中時無萬安名不得名萬

安爲五
雲也

咸通七年白鹿見餘千萬年鄉以獻

豫章書

乾符六年歲星入南斗魁中黃巢陷餘千

餘千縣志

中和七年瑞州昇元觀生瑞竹自根至三尺岐爲兩竿

安志

光化三年十月太白填星合於南斗占曰吳越有兵是

時楊行密錢鏐稱兵

豫章書

天祐二年夏四月庚子有星類太上有光似彗長三

四丈色如赭辛丑色如縞或曰五車之水星也時邑人

盧光稠爲本州防禦使尋加節度使兼制南雄韶州次

年嶺南劉隱稱大彭王光稠與戰破之五車州之占候

水者兵象也

上猶縣志

唐末安福縣生蓮一莖四房時楊彥伯為宰

豫章書

天祐七年庚午夏洪州實石於越王山下昭仙觀前有

聲如雷光彩五色闊十丈袁吉江洪四州皆見觀前五

色煙霧經月乃散

錄異記謹案唐書天祐四年禪位於梁此實石乃楊吳時事仍稱天祐

年號以附唐末

吳

增

順義四年

後唐同光二年

洪州民生男豕首鶴足

安志

南唐

增

保大二年袁州火三年筠州州治火

安志

南唐開紫芝生

廬陵歐陽家屋楹

六一居士家譜

南唐時南昌新義里地陷長

數十步廣者數丈狹者七八尺

稽神錄

宋

開寶八年彗出五車色白長五尺是冬南唐亡

吳任臣十國春秋

太平興國二年饒州獲六目龜以獻七年江州水漲

豫章書

雍熙二年虔州史李祚家馬生駒足各有二距

安志

冬十

二月南康軍大雨雪厚三尺江水冰合可勝重載

續綱目

淳化元年夏六月吉州大雨江漲丈三尺漂壞民田廬
舍江州水漲二丈八尺秋七月洪州江水漲壞城三十
堵漂民舍二千餘戶

豫章書

咸平元年夏六月大雨壞洪州城漂沒二千餘人

林志

年夏五月撫州修天慶觀解木有文如墨畫雲氣峯巒
人物衣冠之狀白雀二見餘千福應鄉異鹿見餘千萬

春鄉毛青如荷葉文白如梅花時縣令吳在本有異政

豫章書

景德三年撫州獻白烏有詔罷免歲貢四年信州饑

豫章書

大中祥符元年夏五月龍墜於餘干之李梅峯七日不

起將屠之暴雨迅雷而去

安志

冬十二月甘露降上饒縣

三年春二月饒州獻芝草四本夏六月吉州臨江軍並

江水泛溢害民田秋七月吉州言嘉蓮一莖二花袁州

水漲墮州城四年秋七月洪江筠袁江漲沒民田六年

春二月廬山崇聖院生芝九本知州王文震以獻夏四

月饒州承天院東山生紫芝四本蓮葉六年五月甲辰

月犯南斗占曰大臣憂明年樞密使王欽若罷欽若豫

章人也

豫章書 謹案六年月犯南斗舊志誤入景德未今據宋史天文志改正

天禧元年浮梁縣山竹生實如米四年冬十一月上饒

民王壽園中生芝草三本皆金暈其二連理

豫章書

景祐元年秋八月分甯縣大水漂沒民居死者三百七

十餘人

按袁州澤雨暴漲壞民廬舍官署圖籍倉庫皆

湮沒

林

三年夏六月虔吉等州水溺死者賜其家緡錢

豫章書

慶厯三年浮梁大水

林

四年吉州甘露降夏五月乙亥

金谿縣得生金山重三百二十四兩五年秋八月洪州

章江禪院堂柱芝草生高一尺二寸葉二十一層色白

黃有紫暈旁生小芝葉九層上有氣如煙

豫章書

皇祐二年夏六月信州水破城沒官舍淹民居

林四年

甘露降吉州仁宗實錄

嘉祐元年浮梁鄭夢龍園池生荷花一帶雙萼林志

治平元年洪州水安志

熙甯元年秋九月撫州有白兔豫章書二年夏六月吉州

城西池生瑞蓮林志秋八月吉州玉虛觀生芝叢安志三年

夏六月己未饒州長山雨木子數畝狀類山芋子味香

而辛土人以爲桂子又曰菩提子是年大稔豫章書

元豐元年芝草生南昌射圃豫章書二年袁州生嘉禾安志

夏四月南康軍甘露降六月又降豫章書秋洪州稻已穫

再生皆實安志三年臨江軍芝生四十三本豫章書六年八

月吉州生芝草三十本是年芝二本生於州院獄門之

東又生於郡齋又生於西峯之秀野亭最異者黃芝異

本同穎時廬陵守魏綸有能名即秀野亭以為三秀亭

屬黃庭堅記之

黃山谷文集

元祐元年宜春進士王忱家產粟二本四穗長尺餘司

理李冲元為瑞粟記

袁志

八年晉陵邵叶為新昌宰視事

之三月靈芝五色十二生於便坐之室

黃山谷文集

建中靖國元年信州旱

豫章書

大觀二年大旱夏六月至冬十月不雨豐城縣得古鐘

大小九具有篆文詔令進上

安志

秋八月筠州木連理大

觀中甘露降筠州時郡守曹坦四年夏六月瑞蓮生袁

州學西合柎同莖駢花並實州守趙瑞記秋九月右僕

射張商英言袁州產瑞禾高踰九尺分布七穗上瑞禾

圖

豫章書

宋徽宗賜答張商英仰山瑞禾表手詔張商英省所上表袁州仰山太平興國禪院園中產穀

一本兩莖七穗事具悉博原效祥嘉禾有秀和氣所感
元賦昭彰匪耘匪耔以挺生如砥如京之將見卿爲時
柱石秉國鈞衡召此至和實惟變理忽披竿牘曲盡形
容實野充箱行慶豐年之兆歸美報上不忘忠藎之誠
省覽已遠
益深嘉歎

政和元年辛卯虔州生芝草仰山太平禪院產嘉穀安志

政和閒吉水李篤兄弟母墓在匡山木連理豫章書

宣和閒永豐曾正矩家池亭蓮一本而兩葩竹一幹而

兩竿林志六年袁州火林志

建炎四年分甯縣治火安志十九年八月戊午月入南斗

次年信州盜起豫章書

紹興初朱勝非出守江州過梁山龍入其舟纔長數寸
赤背綠腹白尾黑爪甲有聲日有光三年樂平旱撫州
祥符觀甘露降知州高衛繪圖以聞吉州饑令宣諭使

振之四年筠州水害稼自夏及秋江西九州三十七縣

皆水

豫章書

七年饒州水壞城九年饒州大饑

林志

十三年

秋七月玉山縣西七里居民謝七婦化爲牛十四年春

正月樂平縣何衝里田隴數十百頃田中水如爲物所

吸聚爲一直行高平地數尺不假隄防而水自行里南

程氏家井水溢亦高數尺天矯如長虹聲如雷穿牆毀

樓二水鬪於杉墩且前且卻約十餘刻乃解各復故夏

四月虔州民屋毀折柱木理有字五其文曰天下太平

時

續綱目

秋八月撫州獻瑞粟一本八穗一本九穗詔付

史館十五年臨川禾生九穗州守晁謙之表聞乞付史

館十九年夏四月甘露降江西路二十一年春二月辛

未南安軍大雷雹大庾令連潛初至吏人抱文書環立

忽有黑氣晦暝咫尺不相視掣電震霆仆羣吏於地令
悸甚匍匐案下少頃乃霽吏死者四人皆皆爲經界司
吏云是年饒州鄱陽縣石門民家籬竹生重萼牡丹又
民家竈鼎生金色蓮花虔州亦有蓮同蒂異萼二十三
年新喻有巨室篋中時有火光燐衣帛過半而篋不焚

豫章書

二十五年湖口縣赤龍橫水中寒風怒濤覆舟數

十人多溺死

安志

冬十月以南安雙蓮花贛州瑞木信州

芝草並繪於旗

豫章書

二十七年洪州暨各郡大水

安志

是

年鄱陽縣有妖鳥鳬身雞尾長喙方足赤目止於民屋

數日彈矢不能中亦羽孽也三十年春撫州宜黃縣有

大蛇見於丞治長二丈捕之縱數里外俄復至者數四

豫章書

紹興間吉安王珠廬母墓有雙竹靈芝之異甘露

降浮梁李椿年母墓樹

林志

隆興元年春萍鄉池蓮一本三花是年袁州發解進士

四人萍鄉居其三州守趙瑞為圖

林時白鹿見南昌

書謹案舊志州守趙瑞記大觀四年至隆興元年相隔五

此年又圖萍鄉池蓮自大觀四年進士袁州僅一人考袁州職

十四年無此久任且是年進士袁州僅一人考袁州職

官志州守趙瑞大觀四年任隆興時州守無趙瑞姓名

林志似誤又舊志此下引豫章書隆興三年四年六年

八年九年事攷隆興建元三年即改元乾道宋史五行

志三年江西諸郡水隆興四縣為甚四年饒信水云云

俱乾道間事豫章書蓋刪取宋史原文而誤編之隆興

者也

乾道元年永甯寺池前大樹化為龍飛去

安志

乙酉月入斗八月庚辰亦如之占女后憂十一月戊午

月犯權星占曰女后憂明年皇后夏氏崩夏后宜春人

也

豫章書

三年江西諸郡水隆興府四縣為甚

宋史五行志

年夏六月隆興旱

豫章書

是歲饒信水

宋史五行志

五年夏饒

信大饑民多流徙

豫章書

秋七月龍鬪於武甯縣西北大

雨迅雷二龍奔逝墮珠於復塘邨爲牧豎所得自是連

年水

安志

六年五月江西郡大水

宋史五行志

七年隆興江筠

饒南康臨江首種不入冬不雨秋江筠州隆興饑人食

草實流徙淮甸發廩振之不給詔立勅分賞格內出左

帑增振饒州收育棄兒

豫章書

八年五月贛州南安軍山

水暴出及隆興府吉筠州臨江軍皆大雨水漂民廬壞

城郭潰田害稼

宋史五行志府江筠州臨江軍大旱與宋史不合今

謹案謝志載是年隆興

從宋

九年吉贛臨江南安久旱無麥苗

豫章書

五月戊午

隆興府吉饒信水漂民居壞圩澗田

宋史五行志

隆興府鼠

害稼千萬爲羣甚於螟蝗秋吉贛臨江南安皆螟

豫章書

淳熙元年饑振以常平義廩六十二萬斛豫章書二年彭

澤馬當山羣狐掠人志安五年旱豫章書七年春三月不雨

大旱蝗民饑筠州大水淹沒田廬志安夏五月丙辰分宜

大水林志八年春江州饑安志云諸郡大旱自人采葛而

食詔罷守臣章騂饒州流徙入淮郡者萬餘人夏五月

江州水九年春德興縣民家有鏡自飛舞與日光相射

夏五月不雨至秋七月隆興吉撫筠袁臨江建昌旱豫章書

是年筠州無訟堂產瑞芝時趙謐為太守十年鄱陽

南鄉民生子兩肘有三臂長能鬪六臂並運後不知所

終安志秋八月信吉二州水十一年夏四月不雨至秋八

月吉贛建昌旱尤甚冬不雨至明年二月十二年饑

令帥臣振粟十四年夏五月隆興饒州江吉撫筠袁臨

江建昌皆旱給度僧牒鬻以糴米備振十五年吉州治

東池生雙蓮太守朱希顏有記豫章書是年隆興府大水

奉新尤甚淹沒八百餘家安志十六年夏五月分宜水豫章書

時廬陵三山曾季淵家有合抱二木隔道株相連埋

林志

紹熙四年吉州水漂沒民廬及泰和官舍自夏及秋江

西九江三十七縣皆水五年饒信江撫諸州水豫章書

慶元元年樂平民產子人體有尾又民家生數豚而首

各備他獸形亦有人首者又更具他獸蹠又鄱陽民家

有一貓帶數十鼠行止食息皆同如母子相哺者民殺

貓而鼠舐其血鼠象盜貓職捕司盜廢職之象也與唐

龍朔洛州貓虎同占豫章書二年秋七月進賢縣民產子

首有角腋有肉翅面具三目有尾

安志

三年夏四月饒州

餘干民家生八豚其二爲鹿樂平縣田家牛生犢一角

鱗身肉尾農以不祥殺之或惜其爲麟同縣萬山牛生

犢人首德興縣羣狐入民舍四年夏五月不雨至七年

旱六年饒信及江西郡國皆大水自庚午至甲戌流民

廬害稼

豫章書

嘉泰閒金芝生廣昌縣廨三年秋七月水害苗稼四年

春撫袁隆興臨江大饑殍死者不可勝瘞有舉家二十

七人同赴溺者合郡縣發常平倉振之部使者益以緡

粟

豫章書

開禧二年南康軍旱

豫章書

三年夏五月浮梁大水

林志

三

年二月癸丑月犯五車東南星占兵起駕道不通己未

火星退留守權星占女后有憂於是成肅太皇太后崩

文獻
通考

嘉定元年夏五月甲子安福荆山民早出忽一星墜於
前亟掘地得之光彩燦燦毀爲數十片亦如之二年夏
六月有年秋八月己巳信州火燔民廬二百家九月丁
酉吉州火燔五百餘家冬十月撫州火七年春正月庚
辰江州燈夕黑雲暴風暮作郡治遊人相踐死於門者
二十餘人八年南昌春旱首種不入至八月乃雨樂平
旱九年夏五月信饒大水流田廬害稼豫章書十年饒州
大饑林志十四年旱吉贛建昌爲甚十五年夏五月不雨
至七月贛州大旱十七年夏五月建昌大水圯民廬城

郭害稼

豫章書

金宣宗興定五年正月辛丑太白晝見於牛二百三十
有二日乃伏時司天夾谷德玉等奏以為臣強之象請
祭以禳之宣宗曰斗牛吳分蓋宋境也他國有災吾何

禳乎

王圻續文
獻通考

紹定間產芝二本黃房紫萼十二層十六葉在饒州宣

聖殿

林
志四年秋九月建昌軍火

豫章
書

端平元年夏六月朔大風雷屋瓦皆飛鳥獸驚駭豐城
縣晝晦大風雨雹吹瀕江廬舍於水人多溺死縣治寺
觀飄揚飛去帥守陳韓自劾於朝

安
志

嘉熙四年夏六月江西大旱蝗

豫章
書

淳祐元年甘露三降餘干孝子劉泌家梅樹

林
志十二年

信州饑

豫章
書

寶祐元年夏六月江西旱

豫章書

咸淳五年夏五月有星孛於南斗

上稱縣志

七年春三月吉

州饑夏六月振瑞州饑民

豫章書

十年春正月己卯朔永

新有氣如虹橫貫一邑

通鑑

元

至元二十五年秋八月萍鄉縣進嘉禾

豫章書

秋九月庚

子熒惑犯南斗時嶺南賊董賢舉兵剽掠韶雄南安江

西行省平章事呼圖克特穆爾

原作忽都帖木兒

討之不克江

西行樞密使頁特密實

原作月請益兵

上猶

二十六年

冬十二月甯州生嘉禾二本州民張安世以進二十七

年秋七月龍興路水溢城幾沒贛吉袁瑞建撫皆水二

十八年撫州饑二十九年夏五月龍興路南昌新建進

賢三縣水

豫章書

元貞元年夏五月鄱陽餘干水二年夏六月泰和州蝗

豫章書

大德元年夏五月龍興南康饒州水餘干山澤龍出凡

四五十舟行樹杪二年夏六月撫州崇仁縣辛陂邨有

星隕於地爲綠色圓石邑人張椿以狀聞

豫章書

秋七月

江西水

續綱目

六年夏六月饒州大饑

林

秋七月龍興民

訛言括童男女至有殺其子者命捕爲首三人誅之始

息

續綱目

七年夏五月龍興南康袁州撫州等路南豐等

州饑

豫章書

九月辛未熒惑犯南斗是年江西饑

上猶志

九

年夏六月龍興撫州臨川三路水十年春正月湖口縣

方丙妻甘氏一產四男夏六月龍興南康蝗

豫章書

大德

聞餘干習泰鄉章雲西齋生竹一本三幹

林志

大德閒得

銅鐘於進賢之上破山

安志

皇慶元年夏四月龍興路新建縣雨害稼二年冬十二

月德化縣災

豫章書

延祐元年秋八月龍興路水

安志

二年夏四月江州建昌

饑三年夏四月南豐州饑五月袁州饑四年秋七月南

城產嘉禾七年夏五月鄱陽進嘉禾一莖六穗

豫章書

至治元年江州贛州霪雨二年冬十二月南康建昌大

水山崩三年秋八月袁州宜春縣隕霜害稼

豫章書

泰定元年春正月信州上饒饑夏五月贛州吉安臨江

饑秋八月江州建昌南安等路屬州縣饑九月建昌旱

二年春正月瑞州饑三月江州饑夏四月南安饑五月

袁州撫州饑三年夏六月龍興路甯州高市火燔五百餘家秋七月龍興奉新火冬十二月瑞州大水壞民田五千五百頃廬舍八百九十所溺水死者百五十人四

年秋八月龍興路火九月建昌贛州饑

豫章書

致和元年春二月癸亥信州貢綠毛龜

豫章書

天歷二年秋八月饒州旱

豫章書

至順元年江西饑有田之家盡爲餓殍

林志

元統元年冬十二月德興餘干樂平地震二年春二月

瑞州路水夏五月信州地震秋九月吉安路水南康旱

豫章書 江州饑

安志

至元元年春三月龍興路饑冬十二月饒州地震二年

信州瑞州等路旱江撫袁瑞饑三年瑞州臨江南昌新

建饑四年春新昌州地震夏五月吉永豐大水六月信

州路靈山裂五年春二月信州雨土冬十一月新昌州

雨木冰十二月袁州饑

豫章書

至正三年大疫

林志

四年春正月靖安縣雨木冰五年瑞

州路饑

豫章書

六年進賢縣甘露降瑞州西澗書院生靈

芝瑞草

安志

八年夏四月奉新大雨雹傷禾折木九年靖

安山裂十年夏五月甲子甯州山崩丙寅上高縣蒙山

崩龍興瑞州大水十一年進賢生瑞竹南昌新建大水

豫章書

夏大雨蛟出山崩餘干清湖水忽黃而濁者三日

安志

七年己未太陰犯斗宿東第三星十月辛巳太陰犯

斗宿距星乙酉太白犯斗宿西第二星明年徐壽輝破

江袁瑞饒信等州

豫章書

冬十月信州雨黍饒州雨黑子

大如黍菽民多取而食之續綱十二年春正月星隕於

吉州城東北其光如火其聲如雷夏四月龍興大疫十

三年夏饒州龍興瑞州建昌吉安大旱冬袁州路有黑

氣環城豫章書十四年夏四月江西大饑續綱冬龍興雨

木冰豫章書十七年七月甲申太陰入犯斗宿距星閏九

月丙午太陰犯斗宿南第三星明年陳友諒陷龍興豫章書

十八年星隕於康郎湖中燄曲如帚二十年春大雨

雪連綿六十日二十一年秋地震屋瓦皆鳴安志二十三

年二月星隕於康郎湖中曳燄曲折袁準曰此枉矢星

也主兵四月陳友諒襲龍興七月明祖帥舟師二十萬

救之大戰鄱湖五日夜湖水盡赤餘干縣志

明

洪武元年熒惑觸歲星甯州大風雨出蛟山水暴溢民

多溺死詔遣使賑恤

安志

夏六月戊辰永新州大風雨蛟

出江水入城高八尺人多溺死

明史五行志

瑞州府地震二

年饒州霪雨三月水深丈餘城多傾圯

安志

三年芝生泰

和縣廳梁柱二莖狀如慶雲綢緼五色燦然光潤秋縣

南陳煥章家產芝三莖其色絢爛光彩奪目

林志

四年熒

惑留南斗是年胡廷美戰鉛山擊陳友定不克鉛民大

亂

廣信府志

六年癸丑冬十一月贛州民呂氏產白牡丹於

冰雪中盛開

豫章書

十一年瑞昌有大聲如鐘自天而下

無形

五行志

十三年夏五月瑞州大水新昌泰和橋圯府

城水三日

林志

十八年秋廣昌大雨霧凡兩月民病且死

者相繼二十年正月信豐雨水壞城二十二年三月贛

州衛雨水壞城

志五行

三十年冬十一月瑞州虎入城三

十一年春大雨雹

志安

建文二年鄱陽大水

豫章書

永樂二年芝草生樂平饒州大水三年廣信大水

豫章書

四年廣信大水暴漲瀕河之民遭決沒者甚眾

志林

五年

撫州建昌疫至明年正月仍疫六年秋七月玉山永豐

疫冬十月上饒疫八年春三月永豐縣學生員黃端家

竹一本二幹十月夏袁州虎殺人僉事黃翰爲驅虎文

禱於城隍之神自四月雨至五月武甯大水漂沒民居

令戶部撫恤十一年春二月豐城德安建昌饑十三年

秋七月瑞昌縣饑

豫章書

十四年夏南昌諸府江漲壞民

廬舍七月廣信饒州二府溪水暴漲壞城垣房舍溺死

人畜甚眾五行志

洪熙元年春二月饒州府地震秋七月又大震河水震

蕩屋瓦有聲安志

宣德元年夏旱五行志四年鄱陽火豫章書六年熒惑犯南

斗是年鉛山水大饑廣信府志七年浮梁大水豫章書八年六

月江西瀕江八府江漲漂沒民田溺死男婦無算五行志

九年南昌瑞州臨江袁州撫州旱民饑安志白雀見南昌

十年大饑林志

正統三年旱五行志夏五月芝生泰和儒學西齋如瑤瑜

瓊玖精英燦異白丁大記五年五月至七月江溢六年旱七

年大旱廣昌木廠火焚松木八千八百餘株十一年春

江西七府十六縣霖雨田禾渰沒十二年春贛州臨江

大水五月吉安江漲渰田六月瑞金靈雨市水丈餘漂

倉庫溺死二百餘人

五行志

進賢瑞竹生

豫章書

十三年九

月甯都大雨壞城郭廬舍溺死甚眾十四年四月吉安

南昌臨江俱水壞壇廟廨舍

五行志

七月熒惑入南斗先

是鄧茂七聚眾寇汀州命尚書金濂甯陽侯陳懋等率

江西兵討之是年茂七中流矢死

上猶縣志

湖口縣鐘山裂

安志

景泰三年旱七月永新珠坑邨地陷十七所

五行志

是年

冬至四年春瑞州凝雪六十餘日五年春二月廣信大

雨雪四十餘日

豫章書

安福大雷雨白泉陂羊塘地陷二

一深三丈廣十餘丈一深六尺廣一丈有奇六年旱七

年旱

五行志

天順元年浮梁大水二年夏四月瑞州大水山崩蛟出

豫章書

三年旱四年十月星子山裂

五行志

八年夏四月袁

州大水秀江橋圯

豫章書

成化元年秋七月太水詔戶部勘實以開二年南昌旱

大庾產嘉禾

豫章書

三年夏南昌府屬三月不雨大無禾

四年甯都三江水合先是有三江合狀元來之謠明年

邑人董越果進士及第春三月豐城大風拔木壞屋

安志

是年大旱免南昌等府衛官民田並山蕩屯田秋糧子

粒凡二百八十八萬六千三百餘石

豫章書

五年冬萬載

縣東郊虎出噬人七年春武甯縣雨水冰

安志

樂平縣大

水

豫章書

八年瑞州大雨雹其大如拳屋瓦皆碎秋大水

新昌縣民姚永貞家產紫芝五本

安志

九年鄱陽火十年

餘干大水

豫章書

歲甲午芝草生豐城學夏瑞州府文廟

產西瓜一莖七實其年登秋榜者七人

林志

十一年八月

大疫

五行志

十二年浮梁大火

豫章書

十四年南康府文廟

產五色靈芝

安志

夏四月袁州大水

林志

十五年春芝生大

庾龍華山佛殿右柱太守張弼詩以紀之南昌旱

豫章書

十六年湖口縣上鐘山崩十七年彭澤縣大疫十八年

南康府龍出於儒學泮池

安志

是年貴溪水

豫章書

二十年

春三月南瑞大雨雹夏四月撫州大水傷稼二十一年

臨江霪雨水漲四郊一壑

豫章書

是年芝生奉新縣民家

夏五月南昌大水漂沒民廬人畜甚多浸城門五日方

退

林志

是月吉安亦大水高十餘丈漂沒田廬溺死者無

算二十二年大庾縣疫

豫章書

夏大水決天井壩爲河河

在四十二都先是民家天井中出二角似竹筍乃龍角也未幾水漲決爲河二十餘里今名天井壩

白下大記

八月

旱

五行志

宏治元年春正月奉新縣雨木冰

安志

秋七月廬山芝草

生有一本十餘莖者二年秋九月南昌鐵柱宮火

豫章書

三年泰和天馬山鳴

白下大記

四年夏六月九江雨雹六年

春三月貴溪大雨雹形如馬首重十餘觔屋樹鳥獸俱

傷冬十二月南昌撫州大雨雪是年廬山白鹿洞芝草

盛生

安志餘干火書

七年冬十一月地震有聲

安志

是年

袁州嚴寒林木枯摧人多凍死八年夏瑞州旱高安楓

樹結李實桃李皆花白魚躍入府城浮橋上

林志

四月辛

未有星如輪流至西北隕於鉛山縣其聲如雷

明文志

冬十月南贛大疫十二月大震電禮部以聞豫章書十年

二月己卯新城雨冰雹民有凍死者五行志十一年袁州

臨江旱十二年春正月浮梁火文廟譙樓皆燬安志是年

餘干火十三年大庾大水豫章書七月甲寅南城縣空中

有火乍分乍合流光下墜十餘丈隱隱有聲燬軍民廬

舍五行志十四年甘露降分宜縣廨桐樹時知縣吳蘭芝

生上高縣廳三本知縣童旭覆以亭豫章書夏袁州萍實

門外池蓮一枝雙葩林志冬十月廣信雨麥十五年九江

虎晝入市三月閒吞噬百餘民命知府募獵士禽之隨

作文祭告城隍以杜民害豫章書二月十五年時廣昌地

震如雷林志夏四月大庾大水是年南昌旱豫章書十六年

元日昧爽廣信有星流於東北秋八月樂平地震安志冬

十一月二十五日夜四更廣昌縣齊星大如輪自天中

流抵東方天如開裂紅光燭地十二月朔舊南門火是

年袁州大旱十七年袁州袁山門外池蓮一莖雙葩

書夏六月廬山鳴聲如雷次日大風雨平地水丈餘溺

死星子德安二縣人無算

通鑑綱目三編

冬高安縣火

安志

十二

月袁州分宜火燔民舍五千餘家儒學及安仁驛皆燬

林十八年春分宜袁嶺白氣如虹上騰三日

豫章志

正德元年武甯縣火城內民居幾盡夏瑞州旱秋七月

大水袁州山崩九月餘干地震

安志

二年夏袁州大仰門

外池蓮三本同蒂異萼秋七月吉安雨血著衣皆赤三

年龍南雨雹如拳黑風捲屋牛馬多擊死黑眚自廣昌

縣庫出至縣廳入於獄有聲如裂屋樂平旱廣信自四

月不雨至於十月金谿雨黑子如豆明年臨川寇亂

書秋七月東鄉餘干雨黑泰瑞州竹生花結實如米

八月饒州後港蘿蔔菜葉如劍如旗油菜結四實如鳥

狀豫章冬十月永豐水溢有聲如潮林四年廣信雨黑

子如梧實袁州竹生花結米饑民采之食樂平浮梁旱

夏五月南昌大雨雹吉州廣信自四月至冬不雨六月

雷火焚廣昌縣儀門雨雹交作南昌大水豫章高安縣

雨黑穀袁州臨江旱安冬十二月廣昌縣復焚五年袁

州樂平浮梁早上饒雨雹殺稼豫章是年奉新靖安大

饑春三月樂平來一鳥九頭瑞州府城火安夏五月南

昌大饑民起為盜六月間有星大如盃光曜有芒日晡

見於廣昌縣西隅六年正月朔東鄉進賢地震豫章十

一日戌時南豐地震

林

夏廣信雨黑麥

豫章

六年吉安

府雨血南昌見日有紅白暈中浮黑氣有頃始散

安

志六

月臨江旱是月四日夜有火星交流復有火毬大如車

輪尾長數丈光燄灼天墮府城東北角夜分又有星大

如斗紅光燭城從西流至東南其聲隱隱如雷鳴秋七

月日晡有星如月流光燭地自廣昌縣南墜於西北

豫章

書袁州監生韓繼善家石榴一蒂六實

林

七年廣信雨

黑子人試種之出葉如戈戟三月餘千仙居寨夜大雷

電以西北風有火箭墮旗竿上如鎧籠光照四野戍卒

撼其旗火直飛上竿首卒因發銃衝之其火四散闔寨

槍首皆有光如星須臾滅

豫章

五月戊辰雷震餘千萬

春寨旗杆狀如刀劈九月壬午玉山火燔學舍及民居

三百餘家

五行志

冬大庾火

豫章書

八年省城內外火災布

政司治及民居寺觀萬餘家

林志

南昌府旱

安志

夏六月辛

酉豐城縣西南連隕火星如盆如斗既而火作至七月

初始熄燔二萬餘家七月甲申龍泉有赤彈二自空隕

於縣治形如鵝卵躍入民居相鬪久之戊子火隕龍泉

縣焚四千餘家

五行志

九月袁州府城火

豫章書

冬十月壬

寅饒州及永豐浮梁火各燔五百餘家浮梁學舍災庚

申臨江火燔官舍延八百餘家

五行志

十一月廣信溪沼

冰花宛如樹形九江湖口冰可通人行是年饒州苦寒

草木皆死浮梁雨雹小者如卵大者如瓜壞民居田稼

牛馬多死傷九年秋七月瑞州大水山崩漂沒廬舍稻

未刈者生秋八月朔南昌廣信晝晦星見

豫章書

冬桃李

花成實十年布政司治火甯州雨木冰

安志

十一年春三

月甯都通天邨有合抱枯樹偃仆已久忽風雨大作隱

隱有聲頓起如故秋七月贛州府城地震黑風四塞下

黑子如竹實十二年春南昌府象牙潭山裂

豫章志

四月

甲子撫州府及餘干豐城二縣俱地震

五行志

甘露降南

昌府學宮四月豐城地震六月南昌有火自空而隕光

燄長丈餘甯州東北方白氣如虹飛墮有聲秋八月南

昌火燬民居三百餘家冬十月浮梁虎入城

安志

十二月

庚辰瑞州大雷電閏十二月丁丑夜瑞州有紅氣變白

形如曲尺中外二黑氣相鬬者久之

五行志

十三年夏六

月有星自東南飛來其光燭天有聲浮梁縣民余邱家

產一牛二面三目三鼻十四年春九江地震黑氣彌月

始散

安志

夏四月鄱陽湖蛟龍鬪

五行志

南昌大旱自六月

不雨至八月十五年春吉水南山悟空寺生竹一本五

幹大庾縣火夏四月廣信大風雨雹殺飛走拔大木壞

廬舍五月又大水

豫章書

臨江府大水壞民田廬

林志

夏五

月暴風豐城有三龍見於楓樹橋

安志

六月丁丑廣昌雨

雪

豫章書

秋九月九江暴風龍開河小港女兒港壞舟數

百溺死商人無算

安志

十六年玉山山溪暴漲勢若滔天

漂蕩民居淹沒田土至有舉家沒溺無遺者四月臨江

疾風驟雨發木折屋平地水高丈餘蕩塞田畝

林志

六月

玉山分宜鄱陽水

豫章書

嘉靖元年饒州水

豫章書

夏四月萬載學宮雙虹見自南

竟北五日次年再見五月各府大水饑

安志

廣信靈雨

豫章

書

六月大風拔木九月建昌地震有聲

志安

二年旱

志五行

鄱陽大饑餘千大疫

志林

夏四月玉山產麥一莖兩歧者

三十餘本

書豫章

冬十二月除夕饒州風雪大作平地須

臬尺餘飄人民居鐙燭皆滅行李凍死相枕籍至元旦

下午方止

志林

四年南昌府屬饑高安縣學產並頭蓮五

年春正月九江府赤氣見

是年十三府大旱夏五月鄱

陽德化多虎

志安

七月癸未南豐雨雹大如盃形如人面

南城縣有虎具人手足

志五行

六年瑞州臨江水七年正

月元日甘露降贛州長泰巡撫汪鉉以聞

書豫章

八年饒

州廣信水十一年夏建昌蝗冬十二月南昌九江雷十

二年夏四月十三府大水秋七月吉安府西北星隕如

雨十三年春正月夜萬載火光燭天數刻乃滅閏二月

南昌進賢五色雲見瑞州府地震十四年臨江府大旱

次年又旱

安志

秋七月吉安水

豫章書

十六年春正月豐城

雨水冰十八年夏六月大水

安志

十九年春三月大水

豫章

書

夏四月瑞州民饑

安志

秋八月浮梁大水

豫章書

二十年

甘露降於豐城之蜜嶺

安志

二十一年吉州大旱

豫章書

二

十二年春正月朔南昌五色雲見吉安大饑袁州城火

延燒宣化樓二十三年正月袁州又火焚秀江樓十三

府旱大饑

安志

夏六月熒惑犯南斗是年江西列郡皆饑

明年大饑民多流散

上猶縣志

秋九月餘干大風拔木

饒州府志

二十四年春臨江府大水無麥

安志

吉州大饑大疫贛州

南安亦大疫夏四月泰和土赤飯亦赤新城大水浸城

堞漂官民房屋千餘所田地二千餘畝男婦溺死者二

千餘人

豫章志

二十五年旱

五行志

秋七月瑞金學泮池產

鱉蝮二色白如玉二十九年春瑞金雨雹傷稼四鄉稻

秧俱盡夏五月五老峯蛟出數百三十年破山來一彪

似虎而大毛體尖喙二日而噬十七人三十一年南昌

旱民饑

安饒志

饒州四月不雨至九月

府志

秋八月乙丑貢院

火

豫章志

三十七年饒州獲白兔

府志

三十九年泰和天馬

山崩水湧出螺數石大者如拳未幾寇至居民被禍獨

慘

白下大記

春二月雨木冰撫州雨雹如石四十年春三月

大雨雪夏五月撫州見日光相盪

安饒志

饒州獲白雁

府志

十一年夏四月至六月南昌數府大水四十二年春二

月建昌大疫

安饒志

饒州有牛腹大異常忽雷電繞其身產

犢如駒鱗角俱具後莫知所之

府志

四十三年南昌府屬

水次年饑

安志

隆慶二年南昌撫州旱民饑五年冬十月夜半天鼓鳴

六年德化彭澤雨雹大水

安志

萬厯元年秋七月贛州金魚坊井中醴泉出其氣清芬
味如薄酒三日乃竭三年南昌地震旱五年奉新雨黑

穀秋九月萬載縣有巨石自天而墮

安志

九月四日有星

曳於西南色赤如火少頃沒晦日彗星見西方形如白

雲勢若拖練根五丈餘闊三丈餘長約十丈由尾厯箕

越斗度牛至十一月二十九日乃止

南豐縣志

冬十月南安

贛州桃李華大雷雨雹六年甯州雨黑穀

安志

南豐大疫

縣七年八年皆旱

南豐縣志

七年進賢縣崇禮鄉生嘉禾一

華五

秋崇仁縣火延燒學宮三日始息十年瑞州水

安志十一年南安贛州吉安大水南安太平橋崩溺死者

以千計豫章書十二年彭澤塌毛洲出火焚烈有聲以物

投之卽然十四年春二月瑞州大雷雨三黃嶺迸裂進

賢鶴仙峯甘露降安志夏大水五行志建昌民樵於山逢巨

蛇一角六足如雞距不噬不驚或言此肥蠃也五行志十

六年南昌府雨豆或黑或斑味如銀杏安志撫州民饑秋

七月武甯縣雨雪九江府旱十七年春撫州建昌袁州

臨江瑞州五月不雨大饑秋七月大疫萍鄉五虎入城

瑞州荷山白鹿見安志九月戊午萬載黑煙騰起隕石演

武廳畔五行志十九年星子縣文昌閣來一鳥似鸞安志二

十四年水二十五年夏四月泰和疾風拔樹壞屋秋八

月各郡池水湧數尺高二十六年大水豫章書二十九年

贛州城黑眚見形似狸犬夜閒潛入人室燈燭皆滅邪氣觸人春二月建昌學宮桂開花結子三十二年冬十月九日南昌地震南康獲白鹿二三十三年春正月南昌府火延及布政司譙樓并南昌縣治民居千有餘家夏五月雷火焚德勝門城樓志安冬十二月龍見豐城田中身長四十餘丈頭似麟七日後飛翔挾風雨而去豫章書三十六年南昌府水大饑志安三十七年九月大水五行志四十年瑞州大雨雹形如麒麟重一劬許志安四十一年秋大水通鑑綱目三編八月貴溪地震冬十二月甯都地震有聲四十二年春廬山蛟出水湧猛虎入天池寺傷僧人數眾四十三年九江羣鼠渡江而南食禾傷稼志安乙卯夏六月安福王某自外歸有雲如匹練隨之入屋化

爲白龍尾指天而首向下晴鬣角爪皆具王驚呼家人

環拜鄰舍喧傳聚看三四食頃滅

徐世濟雨碑新渚

九月丁卯

湖口稅廨燬

五行志

四十四年吉安大水民饑夏五月南

安贛州霖雨蛟蜃並出水湧丈餘四十六年夏九江星

隕有聲秋九月東南白氣見至初更卽出兩旬始滅

安志

九月之杪東南方蒼白氣一道闊尺餘約長丈二尺每

五更出見淡旬始滅靈臺占長庚星主兵屬楚分

贛州舊志

四十七年德化甘泉鄉木連理生

安志

天啟元年辛酉春雨木冰

雨神新渚

二年秋九月太平宮蛟

出屋毀橋圯三年吉安府旱饑興安縣產紫芝夏五月

瑞昌華嶺山崩塞水口

安志

四年甲子夏大水

贛州府志

六年

九江民邵本進妻趙氏一產三男高安虎四出能上舟

登樓開門破壁殺數十人安志六年贛州秋疫府志

崇禎九年秋九月自重陽後酷熱下旬尤甚廿九之午

暍不可言是夜無風自寒明日魚浮蔽江盡凍僵者神

新二年秋七月饒州府城火日數十發知府張有譽開

水巷及西門以壓之冬大饑安志四年辛未六月二十一

日東湖水闕若有兩物在下推起中作噴湍雨神秋七

月十八日南昌及各府地震九月十六日天鼓鳴冬十

月十六日又地震五年夏六月二日袁州雨黑穀人爭

拾之以食安志六年旱二月建昌生豕二身一首八蹠二

尾五行志七年春三月地震夏饒州大水害稼入年春三

月上饒雨雹大如雞卵夏五月暴雨鍾靈橋圯安志九年

七月丁未清江城陷五行志南昌及各府大饑米穀騰貴

鄉城爭相搶奪巡撫解學龍禁之弗得後以數人正法

方止十年雨木冰饒州有飛虎自西北來止於鄱陽之

義倉其狀虎頭鳥翼夏五月大水十一月冬餘干冕山

夜有光如火次年復見志安冬十二月十九日大雪雷是

歲有妖名馬貍精久之始滅雩都儒學東齋榴樹下生

芝一本十二朶如紫雲寶蓋府志十四年春正月大雨

雪凝冰樹木凍折四山震響夏大水民饑志安春二月興

安大雨雹府志秋七月十五夜信豐地震冬十一月二

十四日復震十五年郡城火府志十六年春德興雨黑

黍夏五月餘干東山石崩壞民居志安冬十月興國雷震

東方天裂數丈白光如電縣志十七年春二月袁州地震

夏五月德興西河巨石自起立轟然有聲秋七月異鳥

叢集於九江其大如鵝臨江雨黑沙

安志

是月二十六日

會昌清溪山大黃沙崩裂水湧出高二丈漂沒民居男

婦溺死無算

贛州府志

冬十月初九日龍見隨有五彩雲擁

護陷橫塘一畝闊深十餘丈

廣信府志

國朝

順治二年乙酉廬山太乙觀生瑞芝九本三年丙戌夏

南昌暨各府自五月不雨至十月大旱四年丁亥春大

水斗米七錢

謹案此七錢謂銀數

民大饑

安志夏四月日暮天門開

於西南見五色方丈如畫

彭澤縣志

五年戊子春夏大饑斗

米千錢

贛州府志

夏六月天門開於西北有文如前開閉有

聲

彭澤縣志

六年己丑春正月十一日九江晝晦如夜夏四

月大水

安志

八年辛卯春正月會昌地震

贛州府志

袁州旱民

饑

志安

三月二十五日大電雹謝文莊族裔一屋擡去田

中離舊址百餘丈而瓦壁盡完柱皆端正著礫

兩神九新

年壬辰春三月地震南康有虹墮於瀉湖東小池長可

尋丈五色燦然經日始散

志安

十年癸巳夏四月四日大

雷雹如栲栳者甚多如杯如拳如栗者不啻霰集劉田

之地墜一雹形如杵長一丈一尺有奇

兩神新

十一年甲

午袁州蟲害稼

志安

贛州城外善慶庵產靈芝高二尺

府志

十二年乙未湖口鄉民李茂華妻謝氏一產三男

志安

七年前上饒縣署後堂棟間產靈芝一本

府志

十八年辛

丑各府大水

志安

康熙元年壬寅祥雲見

府志

南昌及各府旱

志安

五年丙

午夏四月牛產麟於南昌縣五十都三圖金臺里

劉思彬集

七年戊申春三月雨雹夏六月地震有聲九年庚戌冬

十一月彌月大雨雪十年辛亥夏五月南昌數月不雨

大旱

安志

廣信府麥秀兩岐

府志

十一年壬子春大饑

安志

三年甲寅興國唐邨火死者三百三十七人

府志

十六

年丁巳夏六月瑞金朱大仁書室產芝二本

縣志

十七年

戊午袁州產麒麟

說鈴

秋甯州及各縣旱十八年己未秋

南昌等五十九州縣旱贛州大水二十年辛酉夏新建

等十四州縣水二十一年壬戌春瑞金松竇路徑一里

許甘露降四十餘日其味如蜜夏南昌等十四縣水秋

宜春等八縣旱二十四年乙丑夏宜春萬安上饒鄱陽

樂平五縣旱

白志

二十五年丙寅廣信七邑水

府志

二十六

年丁卯秋甯州等十七州縣旱二十七年戊辰秋甯州

等十二州縣旱二十八年己巳秋新建等四十一州縣

旱三十年辛未夏永甯出蛟水決沙塞田二百餘頃秋

瑞昌水三十一年壬申夏上饒建昌二縣水三十二年

癸酉新建等十四州縣旱三十四年乙亥秋新淦等一

十二縣旱白志三十五年丙子雩都學宮桂樹正月開花

較盛於秋縣志三十六年丁丑秋星子安義二縣旱明年

夏建昌水府志三十八年己卯贛縣水口山產紫芝七

莖高三尺許縣志四十四年乙酉夏五月瑞金山水陡發

平地水高五丈城郭橋梁民廬官廨衝倒過半縣志夏新

建豐城廬陵吉水四縣水四十五年丙戌夏清江新淦

瑞金三縣水四十六年丁亥秋臨江府屬邑旱白志四十

九年庚寅夏四月興國官舍桑樹產芝大如盤徑二尺

色黃歷辛卯壬辰每初夏長一臺累三臺

贛州府志

五十五

年丙申夏甯州武甯建昌水五十七年戊戌夏旱巡撫

白潢禱雨卽應歲有秋五十八年己亥夏旱甚祈禱如

前甘霖立沛秋大稔

白志

五十九年庚子大有六十年辛

丑大有六十一年壬寅大有

謝志

雍正三年乙巳大有四年丙午南昌新建豐城進賢清

江新喻新淦建昌德化九縣水六年丁未湖口縣稻田

產瑞禾一莖四穗七年己酉夏新建縣民周士義妻夏

氏一產三男五月大庾南康二縣大水彭澤縣民羅翰

聲妻宋氏一產三男八年庚戌大有春金谿縣民謝叔

恭妻徐氏一產三男七月萬載縣稻田民田產瑞禾有

雙根三穗者有三根雙穗者九月崇義縣產瑞穀每穗

三百餘粒至四百餘粒九年大有謝志十年四月甘露降

於南康縣廨縣志五月南安大水府志是年石城七姑廟鐘

自鳴甯都志十一年癸丑三月南安大水南安府志浮梁民魏

經五妻李氏一產三男縣志五月南昌撫州瑞州吉安水

各府志秋甯州農民廖常茂田一莖三穗州志十三年甲寅

南昌朱中祿妻曹氏一產三男南昌府志

乾隆元年丙辰大有吉安府志春正月朔彩雲覆武甯太平

山彌日乃散南昌府志是年會昌學宮產瑞芝二本贛州府志二

年丁巳大有南昌府志冬十一月贛縣大雷電以雨贛州府志四

年己未夏彭澤畢繼白家有馬產駒特異俄雷雨交作

隨水而逝秋羣鼠過江食禾縣志是年冬煥除夕單衣夜

半朔風大作元旦雨雪木冰鄱陽縣志七年壬戌夏五月廿

露降豐城學宮

南昌府志

六月南安府屬及永甯興國大水

興國城崩一百九十六丈人民淹斃者無數

各縣志

七月

袁州大水

府志

八年癸亥南昌饒州廣信撫州瑞州袁州

贛州大饑

各府志

三月晦晝暝烈風拔木拆屋大雷雨雹

是日學使試甯都石城號舍忽圯斃與試士百餘人

府志九年甲子樂平大水舟行城上

縣志

武甯大旱自七月

至十年五月初三夜始雨雨後又旱至十月乃雨

縣志十一年丙寅夏袁州大水

府志

零都自五月至七月不雨饑

贛州府志

十二年丁卯贛縣旱自九月不雨至明年四月

十三年戊辰夏五月蓮花廳大風偃木又三日反風偃

者復植

吉安府志

甘露三降吉水縣儒學崇聖祠

縣志十四年己巳南昌雨蟲

縣志

永豐重建學宮上梁前一日明倫堂

階下產靈芝色紫吉安府志十五年庚午吉安贛州大水府志

志廣信饑府志夏四月彭澤雨雹重者三十餘觔縣志八月

南昌田中生五色蟲食禾頃刻數畝忽有鵲鴒數萬蔽

天而下食蟲盡縣志十二月信豐大雷電雨雹贛州府志十六

年辛未南昌廣信饑二府志八月南昌民徐仲先妻萬氏

一產三男府志九月分宜高林寺牡丹花開並蒂縣志十七

年壬山夏高安埠頭楊氏井鳴泉涸恍如車聲邑士楊

應舉作文禱之鳴立止泉出如故縣志十二月廬陵冰凍

作花有松柏芟荷牡丹及龍鳳龜鶴之狀是年安福石

屋山麓產靈芝吉安府志十八年癸酉玉山廣豐五月至九

月不雨二縣志十九年甲戌九江大有府志二月贛縣劉氏

宅有山鹿突入堂中供大士像鹿禮拜稽首馴伏不去

畜之數月斃縣志是年吉安大水府志贛縣紫荊樹連理贛州志

府志二十年乙亥十一月彭澤江心洲有穴出火投輦輒

然久而未息縣志二十一年丙子玉山程俊妻王氏一產

三男縣志十月十六日餘干浮梁上高地地震各縣志二十五

年庚辰浮梁虎入南門城官率軍民逐之三入三出傷

者數人縣志二十六年辛巳贛州大有府志十一月樂平民

戴煜田產瑞粟一莖四穗縣志是年南豐鄧君奇妻朱氏

安義熊璧湘妻彭氏一產三男二縣志二十七年壬午廬

陵天鼓鳴吉安府志二十九年甲申南昌吉安南安九江大

水各府志上高地地震縣志三十年乙酉吉安廣信袁州撫州

饑各府志安福九龍山聚蓮庵水從山頂湧出巨石墜下

數十餘丈吉安府志三十一年丙戌贛州大有府志三十二年

丁亥武甯雨紅粒如珠

南昌府志

南昌新建進賢鄱陽水

各縣

志

三十三年戊子南安大有

府志

南豐自正月雨至七月

縣志

三十四年己丑武甯麥穗兩岐

南昌府志

六月南昌九江

水

二府志

三十五年庚寅樂安有樵子夜入山見空中有

光如炬尋迹其處掘地得一石鐵色大如斗叩之有聲

欲舁之不語則舉語則雖大力不能舉

縣志

三十七年壬

辰六月安福北岸田禾中見巨蛇圍大二尺餘有鱗甲

呼聲若貓初似菜花蛇三日變紅黃五日乃去三十八

年癸巳安福石門山有聲石罅大開有風煙自中出經

時乃散石合如故

吉安府志

三十九年甲午吉安贛州大有

二府志

四十年乙未八月南昌縣民李菁妻梁氏一產三

男

南昌府志

十一月樂平縣民王彩珍妻廖氏一產三男

縣志

四十三年戊戌袁州九江旱二府志四十四年己亥宜春

天雨黑粟袁州府志四十五年庚子夏五月袁州大水城圯

府志四十六年辛丑南昌九江旱二府志四十七年壬寅四

月甯州彭國治妻葉氏一產三男州志四十八年癸卯南

昌臨江袁州九江各府屬水各府志四十九年甲辰新建

縣民黎獻文妻熊氏一產三男南昌府志五十年乙巳九江

大旱府志二月二十三日夜瀟溪雨雹縣志五十一年丙午

零都萬安南康等縣自四月至七月不雨各縣志八月九

江天西南裂丈餘光燄如鑪火旋變黃色繼白色逾時

漸合府志是年興國瀲江書院後產芝三本縣志五十三年

戊申南昌新建進賢三縣水南昌府志九江大水府志武甯雷

元溥妻張氏一產三男縣志五十四年己酉瑞昌民周金

萬妻陳氏一產三男

府志

五十六年辛亥冬十二月南昌

洗馬池市中火延燒千餘家

縣志

五十七年壬子臨江吉

安撫州九江大水

各府志

五月宜黃民家堂中水涌池魚

皆躍上岸三更後山崩半里外飛土壓斃居民數十家

次日又飛土壓斃觀者數十人

縣志

五十八年癸丑南昌

南康水

二府志

四月晦分宜隕石於田巨聲如雷色黑

袁州志

五十九年甲寅餘干大饑

縣志

六十年乙卯分宜玉山

大水

二縣志

嘉慶二年丁巳秋七月甯都霖雨水驟發毀民居瓦房

一萬八千九百三十間草房一千二百四十五間淹斃

男婦四千三百九十二名衝失田二百三十頃三十一

畝

州志

是年高安徐慶魁家塾產芝三本

縣志

分宜羅大城

妻藍氏一產三男

縣志

六年辛酉九江大有

府志

七年壬戌

南昌臨江等十一府旱自五月不雨至七月

各府志

七月

十五日新城大水漂沒民房一萬七千餘間

縣志

八年癸

亥冬十一月宜春地震

袁州府志

九年甲子南昌撫州贛州

九江水

各府志

十年乙丑冬十一月會昌縣地震白西而

東有聲如雷後遂連震至十二年丁卯春始止

縣志

十二

年九江大有

府志

春三月袁州黃沙蔽天三日空中有聲

府志

十三年戊辰夏五月南昌袁州九江大水

各府志

冬湖

口郭家口洲有洞出火半月息

九江府志

十四年己巳五月

有龍戲於瑞州城隍廟前筠河水立丈餘

高安縣志

十五年

庚午九江大有湖口民黃疇衍妻秦氏一產三男

九江府志

十七年壬申南昌臨江贛州大水

各府志

十八年癸酉夏

九江大水府志冬十一月奉新縣丞廨產靈芝二本縣志二

十年乙亥二月長甯天雨粟府志二十一年丙子上猶

產瑞芝數本縣志湖口吳紹榮妻時氏年四十五歲初胎

一產三男府志二十二年丁丑正月德安有白雉成羣

繞樹飛鳴縣志彭澤何奇峯妻王氏一產四男縣志二十四

年己卯武甯蔣淡秋妻楊氏一產三男縣志二十五年庚

辰南昌建昌臨江贛州袁州旱各府志瑞州府署產瑞芝

高安縣志

嘉慶閒樂安游氏女春桃年十五化爲男尋歿縣志

道光元年辛巳大有夏新昌上方源山裂中有米數石

黑色炊之可療疾縣志二年壬午大有三年癸未大有夏

玉山縣廨生連理芝縣志九月興國潞江書院桃花盛開

縣志五年乙酉樂平甘德喜妻陳氏一產三男縣志六年丙

戌永豐萬安旱二縣志六月二十六日夜袁州大雨蛟起

萍鄉壞田宅無算死者以萬計城圯百餘丈府志八年戊

子德安大有縣志十年庚寅鉛山石塘火延燒五百一十

八家次年七月又火縣志十一年辛卯南昌南康瑞州袁

州饒州撫州大水各府志十二年壬辰大疫貴溪縣學宮

產靈芝三本縣志十三年癸巳大水十四年甲午大水玉

山麥穗兩岐縣志十五年乙未大旱蝗饑十六年丙申星

子安仁大有二縣志分宜貴溪饑二縣志武甯雨黑黍縣志興

安野豕羣聚發豕傷骨知縣張良志禱於城隍神隨有

豺豹成羣捕噬殆盡縣志十七年丁酉定南廳產瑞蘭縣志

弋陽平地涌血尺餘縣志十八年戊戌春二月興安地陷

深闊數丈水湧如塘縣志十九年己亥臨江大水府志定南

廳大水廳志二十年庚子南康縣虎岡山鳴如殷雷縣志二

十一年辛丑秋七月甯都州大水州志冬十一月兩木冰

都陽縣志二十三年癸卯定南廳疫廳志二十四年甲辰南昌

臨江袁州饒州南康大水各府志九月五老峯石巖崩墜

有聲如雷星子縣志十二月都陽大雨雷電縣志二十六年丙

午七月大庾康王廟井鳴縣志二十七年丁未春龍泉大

雨雹縣志冬定南廳地震廳志是年贛南道署玉蘭樹成連

理枝贛州府志二十八年戊申夏六月南昌袁州饒州南康

九江大水各府志二十九年己酉五月興安大水八月二

十日夜見空中赤毬大小五綳互不斷墜而復上縣志餘

干東山書院桃花秋開縣志是年玉山李前鄰妻周氏一

產三男

縣志

三十年庚戌彗星見西方

貴溪縣志

咸豐元年辛亥三月星子大雨雹傷人畜壞屋宇

縣志

月朔瀘溪地震

縣志

秋桃李華

貴溪縣志

是年湖口孫作羹妻

曹氏一產三男

縣志

二年壬子秋七月彗星見西南

龍泉縣志

冬星子虎入城

縣志

浮梁城隍廟有號哭聲凡三夕

縣志

化羣鼠銜尾渡江

縣志

三年癸丑春三月崇仁雨雹大者

如盆小者如拳如石屋瓦盡毀

縣志

夏四月南城不產象

一日斃

建昌府志

秋霖雨害稼

袁州府志

彗星見西方旋轉北方

經十餘夕沒

萬年縣志

四年甲寅夏四月樂平回田邨池水

忽竭尋之中裂一縫闊尺許長丈餘深二三丈

縣志

二十二日廣昌蛟出水溢西南北三面城圯淹斃人民

以萬計官廨民居僅存十之一二

縣志

安福地陷廣數丈

深不可測縣志秋七月宜黃井鳴聲如湯沸一晝夜止縣志

八月安福南山中桐樹忽生枝如刀矛劍戟狀次年粵

賊犯境縣志冬十一月東鄉廣豐浮梁鄱陽諸縣池水無

故湧高尺餘歷時乃定各縣志五年乙卯大有金絲縣志三月

玉山雨雹縣志五月龍泉縣署開並頭蓮縣志六月進賢譚

思堅妻李氏一產三男縣志是年永豐藤田夜多鬼燐百

里相接十二月縣城破縣志六年丙辰鄱陽兩頭蛇見縣志

瀘溪虎入城縣志七年丁巳南昌南康九江袁州蝗各府志

四月興國地震縣志六月德化見散錢無數蔽空而飛縣志

九月鉛山地震縣志十月永豐地震縣志八年戊午二月興

國雨豆色赤縣志三月進賢雨雹大者重六七觔縣志十一

月二十三日南安暴雨雷震府志十二月宜黃地震縣志是

年南康縣南山鳴聲如牛

縣志

九年己未十月宜黃桃李

皆著花

縣志

龍泉雨豆色赤

縣志

十年庚申弋陽牛生三足

犢

縣志

浮梁雨豆又雨血入地皆赤

縣志

建昌周坊有木連

理

縣志

十一年辛酉三月新昌天寶會市二塘相距丈許

雨水忽湧立旋合旋離洶洶若鬪

縣志

五月彗星見初出

芒長數寸六月長數丈至七月初十日沒

弋陽縣志

六月弋

陽蔣坊鄒連生家忽然涌血高尺餘以器覆之止發之

涌出如故

縣志

十二月臨江府及貴溪大寒樟木橙柚之

屬多凍折

府志
縣志

咸豐中興國會世紅女許字王氏子幼卽收養夫家及

年十四化爲男遣歸

縣志

同治元年壬戌彭澤四都鼓樓嶺居民斧柞樹中成天

下太平四字如漆徹表裏

縣志

弋陽黃獅山產連理芝數

本

縣志

定南廳雞生三足甫經宿卽羽毛豐澤雄冠竦立

廳志

臨江大水

府志

三年甲子正月大雪十餘日雨木冰

縣志

永豐雨豆五色斑斕

縣志

三月上饒興安等縣雨雹

縣志

七月崇仁大疫十死七人

縣志

是年瀘溪夜靜輒聞鬼

哭聲數十里

建昌府志

安義文廟產靈芝

四年乙丑十一月十五日餘干九都湖水騰沸忽溢忽消如是者三次

縣志

興國連年見怪獸不知何名形似馬而小色白能食

人被噬者以百數

縣志

五年丙寅大水

古樟樹杪叢生素心蘭

縣志

六年丁卯大有

修壽妻彭氏贛縣郭世椿妻胡氏一產三男

二縣志

餘干

瑞洪鎮火延燒四百餘家

縣志

七年戊辰蝗

袁州府志

南安大

有府志南豐雨黑米縣志南安郡解產芝大如孟府志廣豐縣

學明倫堂正梁產玉芝大如盤縣志八年己巳南昌臨江

袁州建昌饒州廣信瑞州大水各府志二月二十八日午

時袁州甯都州晝晦府志九月彭澤長嶺酒店金鳴聲

聞里許月餘止縣志十一月二十三日南安大雨霖以震

府志九年庚午二月南昌貴溪贛縣大庾雨雹各縣志安義

縣民飼小彘十餘頭中一小彘躑躅作人語曰飽欲死

飽欲死最後又曰飽死也得遂死縣志五月德興雨豆質

黑皮白縣志安仁烈風雷雨崩埽帚嶺百餘丈縣志上饒饑

斗米直銀五錢八月上饒文昌宮產靈芝一本縣志南康

縣學西齋產芝一本廣徑尺色金碧累三臺縣志十年辛

未四月上饒大雨雹五月文昌宮產靈芝一本縣志十一

年壬申春二月新城大雨雹

縣志

夏秋大疫八月南昌災

興富妻陳氏一產三男冬十二月初四日酉時大雷雹

以雨

稿冊

光緒二年丙子夏五月南昌臨江吉安撫州饒州南康

九江大水四年戊寅夏南昌臨江吉安撫州南康九江

大水饒州廣信尤甚

稿冊

江西通志卷九十八

前集
辭吳

星

江西通志卷九十八